

S. FRANCISCI  
X A V E R I I  
E SOCIETATE IESV  
INDIARVM APOSTOLI  
EPISTOLARVM  
LIBER QVINTVS

S I V E

EPISTOLAE NOVAE XVIII.

Nunc primùm ex autographis partim His-  
panicis partim Lusitanicis Latinitate  
& luce donatæ

A PETRO POSSINO EIVSDEM SOC.



ROMÆ, Ex Typographia Varesij. MDCLXI.  
SVPERIORVM PERMISSV.

S. FRANCISCO

XAVIER

E SOCIETATE IESU

INDIANVM APOSTOLI

EPISTOLARVM

LIBER QVINTVS

T. I. V. A.

EPISTOLAE NOVAE XVII

Primo volumine est continetur

Epistolae Indiarum I. et II.

et III. (volumen)

A. PETRO LORRINO APOSTOLI SOC.

1572


ROMAE. EX OFFICINA TYP. REGIAE

STATIONIS, IN VIA LATA.

EMINENTISSIMO DOMINO  
SFORTIAE PALLAVICINO

S. R. E. CARDINALI

Petrus Possinus è Societ. Iesu Felicitatem.

 Vod aliquid Eminentia,  
Tua dignum in meas bo.  
no casu manus venerit,  
rara nec mihi negligen-  
da occasio visa est adeundi conti-  
nuò Tui ; meamque in Te præci-  
pua observantiam , ac summam  
venerationem , pretioso & Tibi  
haud dubiè placituro munere te-  
standi . Equidem alias expertus  
benignissimã Humanitatem Tuã,  
scio confidere potuisse me , haud-  
quaquam aspernaturam Eminen-  
tiam

tiam Tuam vel tenues exilis inge-  
nioli foetus, si offerrem: Sed nouum  
ab eo beneficium captare cui vete-  
ra conarer rependere, nunc qui-  
dem nolui; consultiusque ac libe-  
ralius putavi, tale quiddam, cum  
possem, dare, quod gratiam apud  
omnes sui pretio, non aliena beni-  
gnitate solum veniam haberet. In  
omni quidem Virorum præstan-  
tium memoria curiosa Posteritas  
esse solet: sed Apostolorum præ-  
sertim & Apostolicorum Homi-  
num (quo in Ordine quem gra-  
dum teneat Xauerus, Orbi notum  
est) vestigijs relegendis inexplebili  
semper Christiana Pietas inhiauit  
diligentia. Quod si de talibus, ut  
ait S. Chrysostomus, interpretes in-

hoc

hoc publici sensus, scire iuuaret;  
si qua exquiri posset industria;  
quâ transferint, vbi habitauerint,  
quo genere vestitus, qua victus ra-  
tione sint vfi; & quæ minuta in  
hunc modum vir ille summus per-  
censet cætera; quantò erit optabi-  
lius, Heroum istorum illa iam ma-  
iora, vsu salubriora, dictu specio-  
fiora cognoscere: quid dixerint?  
quid scripserint? quas mente cu-  
ras ac sensus, quæ animo ac corde  
Consilia, Proposita, Vota, versau-  
erint. Me quidem, Eminentissime  
Domine, has modò Epistolas in-  
terpretantem incredibiliter dele-  
ctabat, vsurpare oculis, ore sua-  
uiari, apices illa manu exaratos  
quæ vicies centenis hominum,

millibus cælum aperuit; cui Deus  
tantum suæ potentiae communica-  
uit, vt mortua etiam corpora vi-  
tæ redderet: at multò, vt par fuit,  
plus mouebant specimina in his  
extantia Virtutum Heroicarum,  
quæ Sancto huic viro tantum,  
apud Deum gratiæ, tantum apud  
Homines gloriæ pararunt. Spi-  
rant in hisce videlicet adhuc  
Chartis; illa modestissima Demis-  
sio, Fortitudo & Patientia inui-  
ctæ, Perseuerans Constantia in-  
rectè ceptis, Despicientia rerum,  
Humanarum, Libertas & Candor  
animi, studium salutis Hominum,  
Zelus flagrantissimus Diuinæ Glo-  
riæ; Caræ omnes ac commendatissi-  
mæ Tibi, Eminentissime Domi-  
ne,

ne, Laudes: quæque Nouis proinde  
Hiscæ Epistolis spondeant non  
minus facilem ad Te Admissio-  
nem, nec minus efficax à Te Patro-  
cinium, quam simili merito Xaue-  
rianæ dudum editæ priores in  
Francisco Toletò Sapiientissimo  
Laudatissimoque Cardinali repe-  
rerunt. Vale. Scribebam Romæ  
xv. Kal. Maias Anno MDCLXI.



# LECTORI

**L**ibris quatuor Epistolarum S. Francisci Xaverij dudum editis, & saepius recusis, quantum quod Autore, atque unde nunc addam; quàm necessario, iam breuiter hoc loco praefandum est. Alexander Philippineus e Nostra Societate Anno 1658. Die 12. Martij, Macerata pertinacissimo & dirissimo languore spe omni recuperanda valetudinis exclusus, innocato S. Francisco Xaverio ita mirabiliter conualuit, ut cuius diei primo mane solitis angoribus morbi iam sesquiannu cruciatus immanissime fuerat, eius ante meridiem planè robustus ac vegetus. Sacro Solemni in gratiarum actionem, concursu eius Ciuitatis ingenti, celebrato ministraret. Is deinde Sancti Sospitatoris sui nomen adsciuit, & ut vitam imitaretur, exorata Maiorum venia, nauigauit in Indiam. Sed prius inter alia omnis generis grati animi specimina, me adiens, magnoperè orauit, ut in hoc nostro Archivio Romano conquirere ne grauarer; esque adhuc inedita S. Francisci Xaverij Epistola laterent; tum si qua reperirentur, latinitate ac luce donare. Obsequens tam pÿs votis Indiarum Apostoli quinque nondum publicè visas Epistolas ibi reperi, manu ipsius scriptas. Ea sunt in hac Collectione Tres Priores & quinta cum septimadecima. Verum cum excusarem; paucitate me iusto volumine minori ab Editionis tentanda voluntate reuocari: ille in Lusitaniam soluens promisit exempla quarundam aliarum eiusdem manus ibi seruatarum



rum se se ad me transmissurum, quod summa fide præ-  
stitit. Paucis enim post mensibus peruenierunt ab eo ad  
me duodecim Xauerianarum Nouarum Epistolarum,  
Exempla ex Autographis exscripta; quibus unam ad-  
didit R.P. Dominicus Langa Hispania Assistsens, quam  
in hoc libro quartam vides. Sic sunt quas modo da-  
mus Octodecim congregata: in quibus interpretandis  
curam interdum morasam exquisita Latinitatis, studio  
perspicuitatis sciens volensque posthabui. Scribens His-  
panicè aut Lusitanicè S. Xauerius aliquas interdum in-  
spergebat Latinas voces; imo Sententias non nusquam  
longiusculas. Has omnes studiosissimè retinui, & Tibi  
Lector, ad peculiarem animi fructum designandas  
putavi, alijs eas Characteribus curans exprimi: quod  
ut in alijs, si qua fient, seruetur Editionibus, ea-  
rum Curatores rogatos velim. Audio & alias alibi ser-  
uari S. Francisci Xauerij Epistolas, ex quibus simul  
iunctis Liber earum sextus posset effici. Harum Exem-  
pla si, qui habent, ad nos huc transmittere non gra-  
uabuntur, spondeo sine mora editurum me; haud sine  
grata & debita commemoratione Nominis & beneficij  
eorum, qui eas è Scrinijs priuatis in usum conferre pu-  
blicum voluerint.

**Imprimatur si videbitur Reuerendiss. P. Mag.**  
**Sac. Palatij**

**O. Ep. Patracen. Vicefg.**

**Imprimatur**

**Fr. Raimundus Capisucchi Ord.**  
**Præd. Sac. Ap. Pal. Magister :**

S. FRANCISCI  
X A V E R I I  
E SOCIETATE IESV  
INDIARVM APOSTOLI  
EPISTOLARVM  
LIBER QVINTVS.

EPISTOLA I.

S. IGNATIO ROMAM

Gratia & Amor Christi Domini nostri adsit semper nobis auxilio & fauore. Amen.

**D**ile Sancto Paschæ accepi literas à Te: perlatas in fasce ad Dominum Legatum misso, & cum ijs tantum gaudij ac consolationis, quantum non exprimo; Deus Dominus noster scit. In hac deinceps vita non aliter credo quam per  
lit.

literas congrediemur ; in altera *facie ad faciem* cum multis amplexibus . Superest igitur ut hoc exiguo nobis reliquo tempore mortalis Exilij crebris inuicem Epistolis consolemur . Equidem desiderari hac in parte meam diligentiam non finam . Persuafus enim illo tuo , quo me digredientem monuisti , sapienti dicto : Colonias Metropolitibus, ut Filias Matribus , usu mutuae notitiæ connecti oportere : planè decreui dare operam, ut & Ego , & quaecumque umquam ubiuis terrarum mecum erit nostræ Societatis Pars , Tibi ac Societati Romanæ nunciorum atque officiorum commercio iungamur ; sicque ad vos cuncta nostra minutè ac distinctè referamus, ut Filiolæ solent cum Matribus rationem reddunt . Egi per otium & ex animi mei sententia cum D. Cardinali Inurea, prout ea de re scriptum mihi mandatum dederas . Excepit me humanissimè , offerens perofficiosè fauorem nobis suum in omnibus quæ suæ potestatis forent . Bonus senex cum ab eo discederem amplexatus est me, osculantem manus eius . In medio eius quemcum illo habui sermonis abieci me in genua, & nomine totius Societatis osculatus ei sum manus .

nus. Quantum ex ijs quæ mihi respondit intelligo, multum ille probat nostrum procedendi modum. Dominus Legatus me tot officijs cumulat, vt numquam finis sit si enumerare velim. nec scio quomodo inducere possem in animum illa admittere, nisi cogitarem, & quasi pro certo haberem, mihi ista apud Indos nihilò minore pretio quam vita ipsa rependenda. In Templo Dominae Nostræ Laureti, Dominica Palmarum excepi eius Confessionem, & ei Sacram Eucharistiam ministraui. Idem præstiti multis ex eius Domo. Feci Sacrum in Sacello Dominae Nostræ; & Bonus Legatus egit vt secum Sacram Communionem perciperent intra Sanctam illam Aedem omnes sui domestici. Postea die Paschæ iterum confitenti absolutionem, & confesso Christi corpus impertij; itemque alijs ex eius familia probis viris & religioni deditis. Sacerdos familiaris Domini Legati multum se istic commendat orationibus vestrum omnium. is mihi spopondit, se iturum Nobiscum in Indias. Fac salutes à me Dominam Faustinam Ancolinam; & dicas illi, nisi graue est, fecisse me vnum sacrum pro suo & meo

Vin-

Vincentio ; & cras aliud oblaturum pro ipsa .  
 Præterea , certò sibi persuadeat , me numquam  
 ipsius oblaturum ; ne tum quidem cum ero in  
 Indijs . Meo quoque nomine reuoca , quæso ,  
 in memoriam D. Petro, Fratri meo carissimo ,  
 vt quemadmodum mihi promisit confessurum  
 se peccata , & Sacram Eucharistiam perceptu-  
 rum, sic faciat ; meque literis certiozem reddat ,  
 an id, & quoties præstiterit . Quod si velit gra-  
 tificari Vincentio suo & meo ; dic ei meo nomi-  
 ne, vt ignoscat illis qui occiderunt eius filium ;  
 quandoquidem pro illis Vincentius multum orat  
 in cælo . Hic Bononiæ plus occupationis habeo  
 in audiendis Confessionibus , quam nuper ist-  
 hic in S. Ludouici . Omnes impensè saluto .  
 quod singillatim quemque ac nominatim non  
 memoro , non est (mihi credant verè loquenti)  
 obliuionis culpa . Bononia pridie Kal. Aprilis  
 An. MDXL.

Vester in Christo Frater & seruus

Franciscus

FPL

## EPISTOLA II.

E I D E M.

Gratia & Amor Christi Domini Nostri  
Adsit semper nobis auxilio & fauore Amen.

**M**ulta & continua Christi Domini Nostri  
beneficia experti sumus toto itinere quo  
Roma in Lusitaniam venimus, in quo con-  
sumpsimus tres menses. Eo tanto tractu loco-  
rum & temporum, in tot tantisque difficultati-  
bus ac laboribus, usum semper fuisse optima  
valetudine D. Legatum, & vniuersam eius fami-  
liam à maximo vsque ad minimum, res est vnde  
multas laudes & gratias Christo Domino Nostro  
reddi par sit. maximè quod ultra communem  
suum concursum, peculiarem suæ manus prote-  
ctionem adhibuit, ad Nos cunctis periculis libe-  
randos; vti & ad inspirandam D. Legato men-  
tem ac prudentiam continendę tam sancta Disci-  
plina Familiæ suæ, vt Religiosæ Communitati  
similior quam sæculari Domui videretur. Id  
Ille assequebatur frequentando ipse Sacramenta.

Con-



Confessionis & Eucharistiæ : vnde fiebat , vt famuli eius idem vltro , illustris exempli vi tracti facerent , tam frequenter & tanto numero , vt cum facilè prouideremus inter eundem , vix in hospitij per loci ac temporis angustias , commoditatem affore satisfaciendi eo in genere tam multis , necesse haberem de via interdum deflectere , equòque desilire ; ac loco idoneo captato , audiendæ parti seruulorum operam præoccupare . Dum iter esset adhuc Nobis per Italiam , placuit Domino Nostro mirabiliter Numen suum ostendere in vno ex Famulis D. Legati , Comitibus nostris , illo ipso quem Romæ vidistis conceptum propositum suscipiendæ Vitæ Monasticæ suspendisse primùm segni & ignaua mora , ad extremum omisisse . Riuus occurrit ingens incerti vadi . ad eum tentandum sua istum temeritate perurgente , Nos omnes reclamabamus : frustra id quidem . nihilò enim minus per dubium torrentis alueum eques ille progressus est . Non multum processerat , cum impetus ruentis amnis equi vires eluctatus , cum equite abripuit , spectantibus & miserantibus è ripa cunctis Nobis ; tantumque

momento in spatium auexit, quanto ferè intervallo vestrum diuerforium Romanum à S. Ludouici Templo diffitum est. Hic dignatus est Deus Dominus Noster audire ardentibus preces quas in illo spectaculo ad eum fudit seruus eius D. Legatus, rogans cum suis omnibus *non sine lacrymis* pro illius infelicis salute humanitùs desperata: Annuuit Dominus, & manifesto miraculo, præsentis exitio perditum subtraxit. Gerebat is in Legati Comitatu Officium Stabulo Præfecti: qui sane cum præceps vorticibus ferretur, multò maluisset in Monasterio esse quam vbi tunc erat. Isque illum tum maximè scrupulus angebat, memoriam ingerens omissæ opportunitatis, quam tunc frustra quantouis redemptam cuperet. Hoc ipse mihi fassus postea est; affirmans, minus se in tam acerbo casu consternatum horrore periculi præsentis, quam verberare conscientie acriter exprobrantis vitam inconsulte actam sine vlla prouisione mortis. Addebat, præsertim se tali articulo turbatum fera Pœnitentia ingressus in Monasterium dilati, quò se à Deo vocari non dubiè senserat. Adeoque

plenus his cogitationibus nobis est redditus, ut omnes vltro admoneret ne similia peccarent. Verbis dabat pondus vultus & frons loquentis, tam vltra solitum pallore ac sensu discriminis mutata, ut redire videretur ex Inferis. Sanè de pœnis quæ ibi tolerantur multa erat eius & pathetica Oratio, qualis illius foret qui esset expertus. quibus frequenter inferebat: planè ita fieri; ut qui per vitam de se ad mortem comparando non cogitarit, ei mortis necessitate ingruente, Dei meminisse non vacaret. Hi erant boni viri sermones, non hausti ex lectione, doctrina, vel meditatione studij; sed propriæ sensu experientiæ dictati. Non parum, hæc reputans, commoveor incuria simili multorum vitæ usu nobis & amicitia variè notorum, quos differre pariter video executionem bonarum cogitationum, sanctorumque desideriorum Deo serviendi, quibus impelli se fatentur. maleque metuo ne tempus ijs quoque tale superueniat quo tempore facere quod decreuerant ardentissimè optantes, nullâ ratione poterunt. Quo die Vlyssipponem peruenimus offendi

Ma-

Magistrum Simonem in expectatione accessus quartanæ, ea ipsa hora statam, vt putabatur, habituri redeundi vicem. cæterum tanta eum ex aduentu meo lætitia incessit (non minor credo quam qua Ego ex eius aspectu amplexuque affectus sum) vt languorem discusserit. nam nec eo die, nec deinceps vllum eius sensum habuit. Est autem ab appulsu huc nostro iam mensis euolutus. Itaque in plenam modo valetudinem confirmavit se; multumque in vinea Domini, non sine vberi fructu, laborat. Magnus hic numerus Hominum est amicè ac beneuolè in Nos affectorum: ac sanè tantus vt molestè feram, fieri per nimiam multitudinem non posse; vt cunctis singillatim ea nos Visitationum & Salutationum officia reddamus, quæ pro notabili ac conspicua dignitate plerorumque, ipsis deberemus, si ea obire per tempus liceret. Notavi etiam plurimos ad bonum propensos, & Deo Domino Nostro seruire cupientes, quos saluberrimum esset iuuari quibusdam Exercitijs spiritualibus, ad concipiendum Propositum statim executioni mandandi quod *de die in diem* differunt. quoniam quantum-

cumque festinent Homines in exequendo quod faciendum norunt, vix fugiunt quin rationem reddendam morarum habeant. quare multum attentionis adhiberi conuenit ad amolendas cunctandi causas. Huius officij plena cognitio salutare multis stimulos adinouet, per quos è veterno quodam excitati sentiant; se non inuenturos pacem vbi pax non est; præsertim ij qui contra omnem rationem procurant, Deum eò pertrahere quò ipsi volunt; recusantes eò ire quò à Deo Domino Nostro vocantur; sinentesque agi se suis potius ipsorum inordinatis affectibus, quam bonis desiderijs in eorum mentes diuinitus immissis. Digni sane quibus misereamur magis, quam quisquam inuideat; quippe quos ire ac niti cernimus per tam accliuem abruptamque viam: & improbo conatu laboriosi ascensus nihil aliud quam præcipitij periculum, imo certum ruinæ infelicis exitium quærere. Elapsis ab aduentu in hanc regiam Ciuitatem nostro tribus aut quatuor diebus, accersiuit Nos Rex, & benignissimè excepit. Erat solus in cubiculo cum Regina: vbi cum illis per horam, &

ali-

aliquantò ampliùs , fuimus . Quæsierunt ex nobis multa singillatim de nostra viuendi ratione , deque casu ac modo quo cognoscere inter nos , & coire in Societatem contigit . tum quò spectarent nostra consilia prima , postremò de persecutionibus quas passi Romæ sumus . In quo valde illos delectauit cum narraretur modus quo detecta tandem est veritas . Laudabantque quòd constanter ac fortiter promouissemus rem vsque ad extremum iudicij exitum . ac significabat Rex , cupere se videre sententiam qua sumus absoluti . Communis hic sane sensus est omnium , piè ac prudenter factum à Nobis , quod nulla conditione dimoueri nos passi sumus ab vrgendo vsque ad sententiæ vltimæ prolationem litis cursu : passimque tantum id commendant , vt non dissimulent sibi videri fore , vt nisi sic egissemus quemadmodum egimus , numquam relaturi fuissemus ex nostris ministerijs fructum vllum . Itaque finem , vt dixi , non faciunt prædicandæ illius nostræ constantiæ , vsque ad sententiam , quæ veritatem denique liquidam ostenderet , obfirmate durantis . Vt ad Regem



& Reginam redeam, placuit multum ipsis quod audierunt clarè de forma ac ratione nostrarum Domuum, ministeriorumque & totius Instituti consilio ac scopo. Inter hæc Rex vocari iussit Filiam suam Dominam Infantem, & suum Filium Regni Principem, ut illos videremus. commemoravit benignissimè quot filios & Filias sibi Dominus dedisset, quique ex illis mortui, qui superstites essent. Vterque tam Rex quam Regina summum erga nos affectum declararunt. Studiosè nobis commendavit Rex eo ipso die quo primùm eum vidimus, ut confessiones audiremus nobilium Adolescentum qui in ipsius Comitatu essent. Nam ipse Mandatum edidit, ut Nobiles Iuvenes omnes qui aulam eius frequentant, octavo quoque die peccata Confessario aperiant. In istius executionem mandati, & in eiusmodi Adolescentes, ut nos inuigilaremus seriò iniunxit. cuius curæ suæ hanc rationem dabat. Existimare se aiebat, si à puero insuerint eius loci Adolescentuli cognoscendo venerandoque Deo, deinde cum maturuerint, viros bonos & frugi euasuros. Porro si Nobiles



biles quales esse debent fuerint, sine dubio plebem ad illorum Exemplum se formaturam. quare spem restituendi mores omnium Sæcularium Regni, in Nobilium Puerorum proba institutione verti. nec enim esse dubium, quin illius primi Ordinis conspecta Sanctitas bonam Regni partem imitatione trahat. Magnam nobis præbet Dei laudandi causam hic religiosus optimi Regis animus, & zelus in promouenda gloria Dei Domini Nostri; tamque pia propensio in res omnes bonas ac sanctas. Nos omnes qui de Societate sumus plurimum illi debemus ob benignissimam in cunctos voluntatem, siue qui isthic estis, siue qui hic degimus. Retulit mihi Legatus qui cum Rege egit postquam eum nos eramus allocuti, dixisse sibi Regem: sibi vero iucundissimum futurum si omnes qui hætenus in Societatem nomen dedimus hic apud se congregare ac habere posset; etiamsi in eos alendos ornandosque partem magnam suarum opum impendere oporteret. Scimus multos ex Amicis Nostris conari hic impedire discessum in Indias nostrum; quòd illis videatur,

plus fructus nos hic reportaturos ex Confessionibus , sermonibus familiaribus , tradendis Exercitijs Spiritualibus , & exhortandis cunctis ad frequentes Confessiones & Communiones ; denique exercenda hic simili docendi instandique diligentia eius qua vti in India decreuimus . Inter eos qui sic sentiunt est Confessarius , est & Ecclesiastes Regis , cui vterque auctores sunt vt nos hic retineat spe vberioris fructus . Diuersa quorundam aliorum oratio est mira de prouentu ex nostra opera in Indijs sperando loquentium . Sunt autem qui hæc dicunt idonei talium auctores , qui multis annis in India fuerunt . Hi animaduertisse se affirmant , Gentes illas optimè dispositas ad suscipiendam Religionem Christi Domini Nostri , si eius Interpretes ac Magistros nanciscantur nostri similes , hoc est quorum procedendi modus tam longè ab omni specie auaritiæ remotus sit . Itaque si istam quam hic exhibemus abstinentiam neglectumque humanorum commodorum lucrique ac quæstus , illic quoque teneamus , sine vlla dubitatione futurum aiunt , vt paucis annis duo aut tria Re-

gna Idololatrarum ad Christi Domini nostri fidem conuertamus. Neque enim cunctaturos illos Populos in credendo nobis, vbi planè perspexerint, nihil aliud nos quærere quam salutem animarum. Hæc nobis à Viris talibus qui in re præsentì versati sint, & multis, vt dixi, annis in Indijs fuerint, asseuerata, ingentem fiduciam ingenerant fructus vberissimi ad Dei Domini nostri obsequium inde colligendi. Multam hic diligentiam ponimus in conquirendis Sacerdotibus, qui solo proposito sibi præmio diuini obsequij & salutis animarum, ire in Indias nobiscum velint: nec in vlla re alia magis hoc tempore nobis videamur inferuire ac gratificari Domino Nostro posse, quam in Socijs eiusmodi nobis adiungendis. Nam si manipulum vel duodecim solum talium Sacerdotum congregare possemus, qui in consilij istius ac propositi Societatem vnanimiter conspirare nobiscum vellent, citra omnem dubitationem est, nos magnum operæpretium facturos. Iamque aliqui eius generis hic se nobis offerunt. Incidimus in Sacerdotem nobis alias Lutetiæ Parisiorum notum,

tum, qui promisit venturum se nobiscum, & usque ad mortem in vitæ ac consiliorum Societate perstiturum. Illum credimus satis certum nobis fore. dedit enim argumenta & pignora idonea constantis voluntatis. Est & alius subdiaconus, breui Sacerdos futurus, qui se ad idipsum offert magna deuotione. Præterea Doctor quidam Medicus familiariter nobiscum olim Parisijs versatus, promisit se nauigaturum nobiscum in Indias, ibique facultate sua medendi eatenus tantum vsurum, quatenus id conducet ad iuuandas, & ad salutarem Creatoris sui cognitionem pertrahendas animas, citra vllum quæstum temporarium. Hoc semper maxime spectamus, vt ij quos nobis adiungimus ab omni auaritia alieni sint. neque id ipsum nobis sufficit, nisi ab omni quoque auaritiæ specie sint distinctissimi: ita vt nec in nobis, nec in familiaribus nostris quidquam conspiciatur vnde suspicio oboriri cuiquam possit, temporalia nos potius quam spiritualia captatum ac conquisitum ire. Egit Rex cum Episcopo nobis amico, itemque cum Confessario suo, de nobis

bis ad palam in Templis perorandum è sacro pulpito adhibendis. Id nos differebamus in aliquot dies, initium à rebus humilioribus ducere volentes. Continuimus ergo nos, nec Concionum habendarum voluntatem ostendimus; vtcumque qui nos norunt magnam audiendi nostras ex Ecclesiasticis pulpitis orationes cupiditatem præferrent. Accersuit nos quadam die Rex, & post multa alia dixit nobis; gratum sibi fore, si concionaremur. Tunc sanè ad id agendum nos obtulimus alacritate magna; non solum studio atque officio obsequendi Maiestati eius; sed etiam spe, qua in auxilio Christi Domini Nostri fundata nitimur, collocandæ, Deo fauente, non inutiliter operæ ad fructum animarum. Incipiemus octauo die à proxima Dominica, nec dubitate nos finit de aliquo prospero successu beneuolentia quam in nos præcipuam ostendunt Cives huius Urbis. quod etiam atque etiam Dominum nostrum oramus, hoc est: *ut auget eorum fidem qui de nobis aliquam expectationem habent.* Atque hanc ipsam opinionem quæ de nobis hic prospera percrebuit, speramus occasio-

fionem daturam Deo Domino Nostro, pro  
 eius summa, cui vnicè confidimus, bonitate  
 si minus nostra, saltem huius Populi tantam  
 ad nos audiendos, fidem & deuotionem osten-  
 dentis, causa, dandi nobis scientiam & gra-  
 tiam, *ut possimus consolari eos, & quæ vel neces-  
 saria vel utilia sunt ad animarum salutem dicere.*  
 Vlyssipone v. Nonas Iulij An. MDXL.

Omnibus Vobis in Christo Carissimis

*Franciscus.*

## EPISTOLA III.

E I D E M.

Gratia & Amor Christi Domini Nostri  
 adsit semper nobis auxilio & fauore, Amen.

**P**ostquam scripsi valde prolixè de rebus quæ  
 hic sunt, offerunt se aliqua quæ tunc ex-  
 ciderant. inter quæ hæc sunt: Si Breue quod  
 tangit totam Societatem expeditum est, mitte  
 huc; oro Te, eius exemplum. Nam Rex &  
 qui nos hic amant, libenter id videbunt;

vti



vti & sententiam quam pronunciauit Prætor  
dum nos absoluit. Rex petijt Exercitia cum  
desiderio illa videndi: Si exemplum eorum è  
correctis videretur Tibi etiam mittere, gratif-  
simum id foret Maiestati eius. Enimvero Ma-  
gnus ille Princeps valde benè affectus est erga  
totam Societatem: & videtur nihil non obse-  
quij à Nobis ei deberi, pro ingenti amore  
quo nos prosequitur. Binas à Te literas ac-  
cepi, vtrasque perbreues; alteras scriptas vi.  
Idus Iunij, alteras Kalendis Maij. Domino  
Legato pergratum erit accipere à Te aliquam  
Epistolam. quas ad eum dedisti, perlatas ipsi  
dum esset in itinere Roma huc, vix credas  
quanta cura conferuet. Si non posses scribe-  
re, fac vt quas Epistolas scribit Strada possi-  
mus ei ostendere. Hoc ipso temporis puncto  
accingimus Nos ad danda Exercitia duobus  
Licentiatis in Theologia, quorum vnus est  
valde celebris Concionator, alter Pædagogus  
Fratris Regis, Infantis nimirum Domini Hen-  
rici. Procuramus etiam ab alijs personis non  
vulgaribus ea desiderari; persuasi, quò maiori  
desiderio ea appetierint, eò plus ex ijs utili-  
tatis



tatis percepturos . Est vnde laudetur Deus Dominus Noster dum videmus hic multos Sancta Confessionis & Communionis Sacramenta frequentantes . Statue-sis quid tibi videatur de Francisco Strada : ecquid placeat mittere eum in Academiam Conimbricensem . Nam ibi nec illi , nec alijs deerunt necessaria ad eorum studia ; quantum sperare licet ex eo quod qui illic degunt valde bene inclinati sunt ad res omnes pias & bonas . quare non dubitamus quin breui in ista Vniuersitate Collegium quoddam Nostrorum instituatur . Nos opportuno tempore non omitemus agere cum Rege de excitando Coniunctu Studioforum . ad quod opus esset doceri nos quæ tua mens sit circa formam institutionis eius , modumque in ea procedendi ; tum de eo qui isti Congregationi præfuturus est ; quaque Sodales disciplina teneri debent *ut crescant magis in Spiritu quam in literis* : vt cum alloquemur Regem , ei exponamus viuendi modum quem obseruaturi sint qui in nostris Collegijs operam literis dabunt , quo de toto argumento scribi à Te ad nos fusè peruelim . Non apparet obstiturum

turum quidquam quominus illic ædificetur  
Domus excipiendis Magistris & Scholaribus ;  
imo & aliæ Domus Instituti nostri. Multum  
libenter qui hic sunt facerent nobis Domos,  
si adessent qui eas incolerent. Episcopus Ami-  
cus noster dixit nobis : Regem nondum pla-  
ne constituisse an missurus Nos in Indias sit :  
quòd illi videatur : nos hic non minus serui-  
turos Domino Nostro quam illic. Institerunt  
duo Episcopi quorum contraria sententia est,  
nos nulla ratione detineri in his locis debere ;  
sed mitti in Indias : quòd futurum existiment  
ut aliqui Reges conuertantur. Nos semper in-  
tenti sumus adiungendis nobis Socijs : &  
credo non defuturos, prout se res sensim pro-  
cedendo aperiunt. Si hic remaneamus funda-  
bimus aliquas domos. Facilius reperientur  
qui aggregentur nobis ad hic manendum,  
quam ad illo eundum. Si tamen iuerimus ;  
& Deus Dominus Noster annuerit nobis ali-  
quot annos vitæ, instituemus cum auxilio  
eiusdem Dei aliquas domos inter Indos &  
Aethiopas. Si Breue quod tangit totam So-  
cietatem non est adhuc expeditum, tamen  
da,

da, quæso Te, operam vt nobis detur facultas ædificandi Domoſ noſtræ Profeſſionis inter Infideles. Siue autem hic hærebimus, ſiue nauigabimus ad Indos, per Amorem & obſequium Dei Domini Noſtri obſecro Te, ſcribe ad nos modum & ordinem quem obſeruare debemus in aggregandis ſocijs, idque *multum ad longum*; quandoquidem clarè perſpicias exiguitatem noſtri Talenti. vnde niſi nos adiuues, ob noſtram imperitiam negotiandi, omittetur occaſio promouendi maius obſequium Dei Domini Noſtri. Vale. Vlyſſippone VII. Kal. Auguſti.

*Annus & ſubſcriptio deerant autographo, recifa à quodam, vt apparet.*

## EPISTOLA IV.

DOCTORI MARTINO AZPILCVETÆ  
NAVARRO.

Multum Reuerende Domine.

**E**X quo in hac Ciuitate ſum binas à Te literas accepi *amoris & pietatis erga me plenas.*  
Chri-

Christus Dominus Noster, cuius amore motus es ad mihi scribendum, æquam tantæ isti Caritati & benignæ in me voluntati mercedem reddat; quando Ego; vel si cupiam, nequeo exolvere me hoc debito; nec satis vicissim respondere eximiæ tuæ in me immerentem & inopem benevolentia. quare agnoscens & confitens debilitatem in hac parte meam: ac *per Dei clementiam* cuius singulare donum est seipsum nosse, intelligens *quam inutilis ad omnia sim* post aliquem mei quoad possem explendi officij conatum, *studui spem omnem & fiduciam meam in Deo ponere, videns me nemini posse æquam gratiam referre. & hoc me plurimum solatur, quòd potens est Deus sancta Anima tua & similibus retributionem amplissimam pro me dare.* quod de meis rebus; ac *praesertim de mea vita instituto* præ te fers velle cognoscere, gauderem equidem offerri nobis occasionem mutui congressus. Nemo enim me paratior est ad omnia quæ in hoc genere scire aues Tibi plenissimè communicanda. Nec despero fore ut Deus mihi Dominus noster, inter multas quibus me divina eius Maiestas benignissimè cumulat quo-

tidiè gratias , hanc quoque adiungat eximiam ,  
videndi semel in hac vita & per otium allo-  
quendi Te , priusquam cum meo Socio in  
Indias soluamus . Tunc sane licebit plenissi-  
mam ex me coram audire rationem omnium  
eorum de quibus per tuas literas interrogas .  
tam multa enim illa sunt , vt *scripto id fieri*  
*commode nequeat* . Ad id quod Epistola tua  
adiungit : *multa pro Hominum consuetudine de*  
*nostro Instituto dici* : hoc tantum in præsens  
repono : *parum refert, Doctor egregie, ab Homi-*  
*nibus indicari; præsertim ab ijs qui prius indicant,*  
*quam intelligant* . Qui has Tibi à me reddet  
Blasius Lopez in clientelam atque in discipli-  
nam transcribi tuam peroptat . Hunc Ego  
amo plurimùm mei vicissim amantem ; &  
pro ea necessitudine Te rogo , vt *si preces meæ*  
*apud te quidpiam possunt ( possunt autem multum*  
*per Tuam Humanitatem )* excipias benignè ,  
me tradente ac commendante , prolixum istud  
eius erga Te studium , quod offert ; maiorem  
in modum cupiens , & vt Patrono Tibi ob-  
sequi ; & vt Magistro dare operam . Scribe  
igitur illum , quæso Te , in numero tuorum :

in quo præterquam rem Deo Domino No-  
stro , vt spero , gratam , & haud dubiè Te  
dignam feceris ; etiam singularem à me gra-  
tiam inibis . Obstringes , inquam , me Tibi  
magno & peculiari beneficio , si curare bonum  
hunc luuenem , & in studijs literarum dirigere  
ac iuuare dignaberis , sic animo & studio pa-  
ratum , vt adolescentiam suam meditationi do-  
ctrinarum , quibus Tu excellis , certum habeat  
impendere . Reputare Te conuenit , quantum  
Deo debeas , qui Te isto eximio Talento in-  
signis eruditionis locupletauit ; non vtique ad  
tuum vnus fructum : sed vt multis prosis .  
Deus Dominus Noster nostræ pariter ambo-  
rum semper custodiæ inuigilet . Amen .

Vlyssippone iv. Kal. Octobris Anno MDXL.

*Tuus in Christo quoadusque vixeris*

*Franciscus de Xavier .*

## EPISTOLA V.

PP. IGNATIO DE LOYOLA

ET PETRO CODACIO ROMAM.

Gratia & Amor Christi Domini Nostri  
adfit nobis semper auxilio & fauore Amen.

**H**Os raptim deproperare versus cogimur  
procincto & multum festinante Curso-  
re. Paucis igitur sic habetote: Bene valere nos  
& crescere. Iam sex numero hic sumus; omnes  
ex notis nobis Lutetiæ Parisiorum, præter duos,  
Paulum videlicet & Emanuelem de Sancta Cla-  
ra. Domino enim nostro placuit in tantum for-  
tunare vota & conatus nostros, hisce nobis so-  
ciandis adiutoribus ad celebrandum nomen eius  
inter Gentes quæ ipsum non nouerunt. Im-  
putamus celesti fauori quem vos isthinc con-  
cilietis nobis, fructum qui hic existit ex no-  
stris ministerijs, longè superior facultate, scien-  
tia, intelligentiaque nostris. Tam multi, ij-  
que præstantis dignitatis ad nos accedunt ape-  
rien-



riendæ causa, per sacram confessionem, conscientiae, ut tempus desit quo cunctis satisfaciamus. Dominus Princeps Henricus summus Inquisitor Regni huius, & Regis Frater, sæpius commendavit nobis, ut curam susciperemus eorum in spiritu iuuantorum qui Sacrae Inquisitionis custodia tenentur. Hos itaque quotidie adimus; damusque operam ut intelligant, quanto Dei beneficio in eo Pœnitentiæ Gymnasio exerceantur. Ad eos simul eunctos exhortationem habemus semel quouis die: tradimusque Exercitia primæ Hebdomadæ, magno ipsorum solatio & fructu. Multi ex illis dicunt nobis, agnoscere se singularem in ipsos Dei gratiam, quod opera nostra primùm audiant plurima scitu necessaria ad salutem animarum suarum. Ante hos paucos dies misimus ad vos literas Regis ad Pontificem & ad Oratorem in Vrbe suum, quibus commendat res nostræ Societatis ut suas proprias. Ad commendatitias eius generis in hac Aula impetrandas, iam non egemus interpositione ullius: per nos ipsi sufficimus. Nunc quoque Rex, nisi esset in graui luctu ob mor-

tem Principis Eduardi , scripſiſſet iterum ad ſanctiſſimum Dominum & ad Cardinalem SS. Quatuor Coronatorum , alijsque quorum iſthic fauor neceſſarius aut vtilis rebus noſtris eſt . Verum ita , vt dixi , obrutus dolore ac conſternatus eſt acerbo funere Principis ſui Fratris , vt domi clauſus neminem admittat ; & trilli iuſtitio negotia pendeant . Concedendum pio micerori iuſtum ſpatium eſt . Vbi reſederit poſt paucos dies exorabimus ab optimo Rege literas quam voletis multas ad quoscumque designabitis . Quidam qui ſtudioſum curſum Pariſijs conſecit , vitæ Societatem nobiſcum iniit . Nomen ei , Magiſter Conſaluus Mederes . Nondum eſt Ordinibus initiatus . Per Dei Domini noſtri obſequium oramus , impetrate & mittite Reſcriptum Pontificium cuius vi , extra conſueta tempora , tribus diebus feſtis promoueri per ſolitos gradus ad Sacerdotium , ritè poſſit : vt Sacretur Presbyter antequam ſoluamus in Indiam . Opus etiam eſſet impetrari Priuilegium ſex Clericis arbitrato noſtro communicabile , vtendi Breuiario nouo . Ea res uſum haberet non-

nonnullum ad facilius alliciendos quosdam, ut nos in Indias sequi vellent. Per Domini nostri amorem vos obtestamur, curate quam celerrimè perferri ad nos Breue quo dirigimur in Indias. Nam tempus eò soluendi instat. Magna nos spes tenet fructus vberis ex illa nostra nauigatione secuturi. Facite, oramus vos, quam primum sciamus, quid nos oporteat constituere de ijs, qui aut Parisijs fuerunt studiorum causa, aut eò ituri sunt. Respondeatis etiam distinctè ad ea quæ scripsimus de Strada; deque consilio excitandi Contubernij Scholarium nostrorum in Conimbricensi Academia. Nam ad id, & piæ eius generis opera pronum hîc paratumque habemus fauorem Procerum, & liberalitatem locupletum. Docete igitur citò nos, quid circa hæc decreueritis, ut prout iusseritis efficere conemur quod videbitur *magis expedire ad laudem Dei*. Rapit chartam è manibus Veredarius moras increpans. Ergo quod hætenus hîc scripsi, sit instar Epistolæ communis mecum Magistro Simoni: huius autem, communis item utrique, subscriptio;

quasi sigilli vicem præstet. XI. Kal. Nouembris Anno MDXL.

Vtriusque nomine, Magister Simon.

## EPISTOLA VI.

IOANNI III. REGI LVSITANIAE.

**D**omine. Sic velim habeat Maiestas Tua, itaque secum, quæso, reputet: Deum Dominum Nostrum Tibi potissimum, præ cunctis qui sunt vsquam Christianis Principibus, harum Indiarum Imperium tribuisse, vt experimentum Tui caperet; probaretque quæ fide commissum negotium gereres, quoque officio grati animi beneficijs responderes. Neque in hoc tam spectasse, vt regium tuum Fiscum ditaret prouentu pretiosorum fructuum è terris exteris, & importatione Gazæ peregrinæ: quam vt suggerendis occasionibus heroicorum laborum, virtuti ac religioni Tuæ benignam materiam offerret commendandi sese, adducendis zelo tuo ardenti, operaque per Te adhibita gnauorum Ministrorum, In-

fide-

fidelibus horum tractuum ad notitiã Creatoris & Redemptoris Mundi . Iure igitur ac meritò impensè commendat Maiestas Tua ijs quos in has Regiones mittis , vt plurimùm claborent in latè propaganda nostra Sanctae Fide , Religioneque augenda ; quandoquidem à Te intelligis rationem repetiturum Deum salutis tam multarum Gentium ; quæ paratæ sequi viam meliorem , si quis ostendat , interim inopia Doctoris in cæcis tenebris ac grauissimorum criminum fordibus , & suum Creatorem continuè offendunt , & suas ipsi animas miserè in æternum exitium præcipitant . Referet Maiestati Tuæ quæ vsu comperta habet de docilitate harum Nationum ad Fidem , deque cæteris opportunitatibus quæ hic se offerunt rei Christianæ benè gerendæ , Michaël Vazius , qui Proëpiscopus hîc fuit , hinc modo ad vos transiens . Is tantum sui desiderium Christianis harum partium relinquit , vt remitti huc cum statim anno sequenti ad consolationem & præsidium ipsorum expediat : quamquam est cur id decernas tua ipsius causa . Nimirum vt sic exoneret in tam idoneum & in-

& industrium Ministrum, officium quo vrgeris graui, procurandæ in his locis Diuinæ Gloriæ. Hoc enim tam fideli dispensatore, tamque experiente, isti negotio præfecto, securè potes acquiescere: certus ipsum pro ea excellenti virtute, qua tot annis probata venerationem totius hinc populi meruit, nullam prætermitturum occasionem Religionis vel tuendæ vel augendæ: Iterum etiam atque etiam rogo atque obtestor Maiestatem Tuam, vt si Dei obsequio & Ecclesiæ rationibus consultum vis; si tot probis & laudatis hominibus in India degentibus, si Christianis recens conuersis ad nostram Sanctam Fidem, si mihi denique quidquam in hac vita gratificari tanti ducis, iubeas ad nos redire Michaëlem Vazium Proepiscopum, qui modo hinc discedit. Non aliæ mihi causæ hoc petendi sunt quam obsequium diuinum, incrementum nostræ Sanctæ Fidei, & exonératio Conscientiæ Maiestatis Tuæ. Verè me loqui Deus Dominus noster mihi testis est. Scio enim quantum talis viri desiderium, quanta necessitas in his oris sit. Ergo vt officio satisfaciam, & conscientiam

ego quoque meam deonerem ; dico & profiteor Maieſtati Tuæ , omnino neceſſarium eſſe , ſi cupis promoueri dilatarique noſtram Sanctam Fidem in hiſ Indiæ Regionibus ; ſi optas eos qui Eccleſiæ iam aggregati ſunt , ab ea non auelli , & ad patrias ſuperſtitiones redire , offenſos ac deterritos multis iniurijs ac vexationibus quas graues patiuntur præſertim à Miniſtris Maieſtatis Tuæ , vt huc mittas Michaëlem Vazium , cui forte pectus & conſtans animus eſt ad obſtandum Perſecutoribus Chriſtianorum . Quamuis Epicoſopus ſit Prælatuſ tam conſummatae virtutis quam reuera eſt : tamen idem , quod Tua Maieſtas non ignorat , iam ſenio grauatur ; totque morbiſ affligitur , vt ad labores ferendos quos eius Præfecturæ accurata functio ſummos in hiſce Partibus iniungit , viribus corporis deſtituatur , vtcumque animi vires in eo abundant , & in dies augeantur . Deus enim cum tanta gratiâ dignatur , vt quantò magiſ in carne debilitatur , tantò plus corroboretur in ſpiritu . Qua ſolet mercede Deus Dominuſ noſter remunerari eos qui multos annos perſeuerarunt in



cuius obsequio ; impendendo vitam & ætatem vniuersas exantlandis eius causa laboribus maximis ; quousque referant quasi plenam victoriam de suo corpore spiritui rebelli . Talibus quippe indulget Deus cum assiduarum contentionum fructum in vltima ætate , ad exemplum & perseuerantiam eorum quibus præfunt , quo veluti reiuuenescere se sentiant renouatione spiritualium virium , eo maximè tempore quo natura deficit , oppressa incommodis decrepiti senij . Ita vt ea proportionem qua sensim deficit vita in virtute transacta , mutetur corpus terrenum in spiritum celestem . Quocirca Episcopo necessarium , nunc quidem , auxilium est ad tolerandos officij sui labores .

Peto Domine Rex & per Dei obsequium obsecro , vt qua ego rectissima intentione , syncerissimæque veritate scribo hos versus , pari Tua Maiestas æquitate animi ac favore beneuolo excipiat quod suggero . Nimirum sola instinctus cura honoris & obsequij diuini , desiderioque vero exonerandæ conscientiæ Tuæ regiæ , oro & flagito , vt  
non

non tantum per literas commendes tuis hic Ministris res obsequij diuini ; sed etiam puniendis ijs qui officio hac in parte defuerint , commendationem istam fancias exemplis iustæ ultionis . Enimuero periculum est , ne à Deo Domino nostro Maiestatem Tuam ad suum iudicium citante (quod futurum est quando minus expectatur ; nec spes aut ratio est id declinandi) ne tunc , inquam , à Deo irato audias : cur non in eos animaduertisti , qui à Te aorati , Tibique subditi , mihi erant in India contrarij : cum in eisdem , si negligentes prehenderentur in tuis vectigalibus & Fisci rationibus curandis , seuerè vindicare ? Nec scio , Domine , quanti ad tuam excusationem momenti habitura sit tali tempore responsio Tua , dicentis : equidem annis singulis cum isthuc scribebam , res diuini tui obsequij commendabam . Reponetur enim continuò : Atqui eos qui tam sancta ista mandata susceperant deque habebant , impune id facere sinebas . cum interim quos compereras in rerum tuarum procuracione parum fidos aut strenuos , debitis poenis subiiceres . Per Ego Te , Domine ,

ne , quo flagras zelum Gloriæ Diuinæ, perque curam quam habes antiquissimam expediendarum apud Deum rationum officij proprij, ac conscientiæ deonerandæ, obtestor atque adiuro Maiestatem tuam: Mitte huc idoneum cum autoritate necessaria Ministrum, cuius vna cura sit, prospicere saluti innumrabilium animarum quæ hic periclitantur: quique in ea procuratione potestatem à Te habeat liberam ab imperio & ditione illorum quos vectigalibus & regni tui negotijs propriè vacare iubes: vt sic in posterum incommoda & scandala vitentur, quibus antehac multis & grauibus res hic Christiana laborauit. Ineat Maiestas Tua exactam rationem, & plenam secum summam colligat fructuum & temporalium bonorum quæ Dei beneficio ex Indijs percipis. Deduc inde quod hinc in Dei obsequium & causam Religionis expendis: Sicque cunctis prudenter æstimatis, inter tuas regias, & Dei ac celestis Regni rationes eam partitionem institue, quam gratus & religiosus tuus animus æquam fore bonamque iudicabit: cauens, ne Creator rerum omnium

par-

parte nimis exigua largiter effusorum in tuum  
sinum Bonorum angustè ac parcè remunera-  
tus à Te videri possit . Nec cunctetur in  
hoc diutiùs , aut procrastinet vlteriùs Maie-  
stas Tua . Quantum enim cumque festines ,  
fera iam hæc fuerit diligentia . Urget me ,  
ad hoc scribendum vera & ardens mei cordis  
erga Maiestatem Tuam caritas ; vtique cum  
audire mihi videar voces ex his terris missas  
ad Cælum Indiæ conquerentis , auarè secum  
agi à Maiestate Tua , quòd Prouentuum vber-  
rimorum qui ærarium ex ipsa tuum ditant ,  
tantulam vix particulam in subsidium spiritua-  
lium eius necessitatum longè grauissimarum  
conferas . Negotium salutis animarum in  
hoc tuo Indiæ populo , cui prospicere ex of-  
ficio incumbit Maieitati Tuæ , quo loco ac  
statu sit , cognoscere , opinor , non erit in-  
gratum . Iasanapata & in Ora Coulani faci-  
lè ante annum vertentem plus centenis Ho-  
minum millibus ad Christi Ecclesiam aggre-  
gabuntur . Non loquor de Insula Ceilano ,  
cuius Regem vtinam multus ille quo eum  
prosequeris emolliret fauor , ne tam durè  
Chri-

Christum Iesum ab omni parte suæ ditionis exclusum vellet . Mittat huc quæso Maiestas Tua quamplurimos è Societate nostra , qui non modo sufficiant baptizandis & Christiana Doctrina imbuendis tam multis Homini- bus qui in hisce tractibus ad fidem Christi amplectendam inducuntur ; sed etiam ex qui- bus abundant qui mitti possint Malacam , & in finitimas ei Vrbi regiones , vbi nunc plu- rimi Christo dant nomen . P. Magister Iaco- bus , & Dominus Paulus in Collegio Sanctæ Fidei versantur . Hi quoniam copiosè ad Maiestatem Tuam scribunt de illa Sancta Do- mo , nihil in præsens de eâ dicam ; nisi quod peto in summa parte gratiæ , ne grauetur Tua Maiestas scribere Cosmo Agnezio , vt quando idem cæpit , idem promouit Sanctum illud Contubernium , perducere ipse ad fasti- gium pleneque absolvere ne desistat ; nec in hoc defatigetur : constituram enim ei à Deo primùm , tum etiam à Maiestate Tua di- gnam præclari operis mercedem . Franciscus Mansilla & Ego versamur in Promontorio Comorini cum Christianis quos fecit Michaël

Vazius

Vazius Proepiscopus Indiæ. Nunc habeo  
 mecum tres Sacerdotes ex Indigenis eius ter-  
 ræ. Collegium Cranganoris, quod opus est  
 Patris Fratris Vincentij, magnis incrementis  
 adolescit: &, si Maiestas Tua pergat ei fa-  
 uere, ut hætenus fecit, è bono proficiet in-  
 melius. Est profectò cur plurimæ Deo gra-  
 tiæ agantur ob fructum ad Christi Domini  
 Nostri obsequium ingentem qui ex eo San-  
 cto Collegio existit. Vnde, ut spes est ve-  
 rifimilis, paucis annis prodituri sunt viri Re-  
 ligiosi qui Malabarem vniuersum, quantum-  
 cumque nunc vitijs & erroribus oppressum,  
 ad pudorem salutarem sui miseri status sint  
 adducturi; & cæcis istis mentibus Christi Do-  
 mini Nostri lucem illaturi, manifestaturique  
 nomen ejus, opera & ministerio discipulo-  
 rum P. Fr. Vincentij. Oro & obsecro Dei  
 causa dignetur ei-fauere Maiestas Tua; tum  
 cætera demonstratione regię benignitatis, tum  
 indulgendo ipsi eleemosynam quam petit.  
 Quandoquidem in his Indiæ regionibus spero  
 me diem extremum obitutum; nec vñquam  
 in hac vita visurum Maiestatem Tuam, adiuvaa

mei quaeso, Domine, Tuis orationibus, ut  
 in altera vita, cum maiori utique quiete,  
 quam quæ nunc est, videamus inuicem;  
 postulando à Deo Domino nostro pro me  
 idem quod Ego vicissim pro Maiestate Tua  
 postulo; nempe ut in hac vita det Tibi gra-  
 tiam sentiendi & agendi id quod in momen-  
 to Tuae mortis gauderes Te fecisse. Cocino  
 xiiii. Kal. Februarias anno MDXLV. Tuæ Maiestatis Seruus

*Franciscus.*

## EPISTOLA VII.

MAGISTRO SIMONI RODERICO  
 E SOCIETATE IESV

Gratia & Amor Christi Domini Nostri  
 adsit semper nobis auxilio & favore Amen.

**Q**Uas Romam scribo literas eas ad Te  
 patentes mitto, ut ipse prius perlegas,  
 & inde hausta notitia rerum quæ hic  
 geruntur, inciteris ad submittendos nobis

quo-



quotannis quamplurimos poteris Operarios  
Euangelicos . Nam talibus , quamlibet mul-  
ti veniant , abundè hic erit in quo ad Dei  
obsequium operam insigniter nauent . Quod  
attinet ad tuam quoque ipsius in has oras  
profectionem , equidem si confidere possem ,  
vires in Te ac robur corporis cum vigore  
animi paria facere , vtrò Te inuitarem roga-  
remque multum ne venire grauarere ; si ta-  
men id Pelignarius probaret , eiusque is Tibi  
consilij autor fieret . Pater enim noster est ,  
cui obedire nos oportet , nec eius iniussu vel  
pedem mouere fas est . De Iacobo Fernan-  
dio narro Tibi : vidisse me illum Goæ ante  
has ferme quatuor hebdomadas saluum & be-  
nè valentem . Lucundè atque ex animi sui  
sententia diuersatur apud Collegium Sanctæ  
Fidei , in Contubernio Magistri Iacobi & Do-  
mini Pauli ; strenueque ibi ad Dei obsequium  
contendit , eo fructu , vt eum nec istius com-  
morationis , nec operæ pœniteat . Dixit mihi  
se fusè ad Te scribere ; cui equidem magno-  
perè ceniseo rescribas ; quando tantum Te  
amat , & tua causa vult . Incredibilem ei

ardenti zelo studentium incremento nostræ Sanctæ Fidei ac Religionis Iesu Christi Domini Nostri, tam sæpe virgeo vt ad hanc iam albam messem Operarij mittantur. Deo, cui cordium intima patent, notum est quantopere Te videre cuperem, incredibiliter lætarer amplexando & coram affando Te. Debes hoc virtuti Tuæ & cæteris donis à Deo in Te largiter effusis. Horum spes præsentis vsu fruendorum conspectum mihi tuum multò desideratissimum facit. Si congressus noster mutuus ad rationes maioris, aut saltem paris obsequij Diuini congrueret, quantis ex illo lætitijs penitus mulcerer, quantaque voluptate Tibi coram inferuirem, solus nouit, solus ad verum æstimat, quem arcana mentium non fallunt, Deus. Neminem patiaris Amicorum tuorum in Indiam cum Præfectura mitti, ad regias pecunias & negotia tractanda. Nam de illis verè illud scriptum capere licet: *Deleantur de libro viuentium & cum iustis non scribantur.* Quantumuis de aliquo forte quem noris & ames virtute confidas: tamen, mihi crede, obsta & quan-

tum potes pugna ne in istam obijciatur aleam; alioqui nisi confirmatus in gratia sit, sicut Apostoli fuerunt, caue speres perseveraturum in officio, & constantem in innocentia futurum. Vis est, pene dixerim, quædam ineluctabilis quæ in præceps protruduntur, cum ad lucri pellaciam, ad prædæ opportunitatem, ad famem cupiditatis præsentis gustu irritatæ, torrens supernè ingruens exempli ac consuetudinis incubuerit. Invidiam, & tantum non culpam, furto vsus publicus detrahitis: dum vix dubitatur: fieri non male quod impune fit. Vbique, semper, rapitur, congeritur, aufertur. Semel captum numquam redditur. Quis enumeret artes & nomina prædarum? Equidem mirari satis nequeo, quot, præter vsitatos modos, insolitis flexionibus, inauspicatum illud *rapendi* verbum quædam Auaritiæ Barbaria coniuget. Inter hæc ubi euocantur ex hac vita, miserabile est, quam malè subductis, quam perditè confusis spei ac salutis rationibus, infelices animæ ad Tribunal inexorabile sustantur. Michaël Vazius hic Proepiscopi mubere functus, isthuc profici-

Fratrum nostrorum in Lusitania, & Romæ, alibi, degentium. Siquidem non alium reliquum habemus in hac vitâ fructum animi maiorem, quam quem appellantibus huc in Regno nauibus, literarum istiusmodi lectione percipimus. Quam scribo Epistolam Socijs Romanis, communicabis; nisi graue est, Petro Caruallio summo Amico nostro; eique nomine meo dices: me, quoniam in Fratrum nostrorum qui Romæ, quique in Lusitania degunt, loco ac numero ipsum habeo, existimasse quas ad illos do literas, ad ipsum quoque pertinere; ac propterea separatim ei non scripsisse. Idem persuadeas velim singulis Fratrum nostrorum qui isthic tecum sunt: videlicet eum esse meum erga quemque ipsorum amorem verum, & vobis propriè vnique scripturus fuerim, nisi vnâ istam Epistolam in solidum imputandam cui libet, & sic vicem multarum considerem habituram, vtili ipsis, mihi necessario compendio. Quas gratias & Indulgentias ad magnam vsum harum Regionum, instante Prorege, dudum petendas Roma curavi, de

sus : sed quòd posterioribus inde nuncijs acceperimus , haud quaquam esse illic res tam bono loco ac nobis erat persuasum , non sum illuc profectus ; cogitoque iam Amboinum , vbi & multi iam Christiani sunt , & quæ cæterorum docilitas laudatur , multorum ad Ecclesiam facile secutura videtur accessio . Inde ad vos scribam quæ præsens video de regionis eius statu , deque dispositione Indigenarum ad fidem , ac fructu qui verissimiliter sperari ex laboribus ibi exantlandis potest . Pro usu quem præsentis experientia mihi peperit rerum Promontorij Comorinensis & Goræ , quemque , Deo iuvante , comparabo Amboinensis & Moluccensium Tractuum , cum eos inspexero , scribam ad vos in quibus potissimum horum locorum collocari vestram industriam ad maius Dei obsequium videatur utilius . Quod nunc est , rogo vos Carissimi Patres Ioannes de Beira & Antoni Criminalis , ut subito ab his visis literis expediatis vos ad quamprimum eundem in Promontorium Comorini , vbi utiliore Dei obsequio nauabitis operam quam isthic Goræ :  
vnde

vnde assumetis P. Franciscum Mansillam, si forte ibi sit; ipse enim peritus est Comorinensis regionis, & ab eo intelligetis quo pacto vivere & operari vos illic oporteat. Omnino velim, si Patrem, ut dixi, Mansillam hæc literæ Goæ repererint, ut ambo vos, eo tertio adiuncto, simul in Comorinum profiscamini. Per Deum oro vos ne aliter faciatis; neque, quacumque demum obstante causa, omittatis profectionem istam, quam planè cupio, & iudico necessariam. P. Nicolaus Liancilotus subsistet in Collegio S. Pauli, profitenda ibi Grammatica, ad quod è Lusitania missus est. Quia confido Vos, quæ vestra est caritas, non aliud facturos quam quod hæc præscribit Epistola, plura de hoc non addam. Paule Cameris carissime multum oro Te, per quo Iesum Christum amore prosequeris, ut acriter inuigiles utilitatibus & conseruationi Domus istius. Ante omnia Tibi etiam atque etiam commendo ut plenam perfectamque exhibeas obedientiam ijs qui eius Domus qualemcumque Præfecturam exercent. Sic habeo: nihil Te ullam parte mi-



ficiscitur . Homo est quo vix alium ardent-  
torem reperias zelatorem honoris obsequij-  
que Diuini . Non dubito quin visurus ip-  
sum allocuturusque sis , & ex illa quam in-  
eo animaduertes pace lætitiaque animi , ve-  
hementi studio Diuinæ gloriæ coniuncta , con-  
fido Te informaturum notitiam & æstimatio-  
nem veram laudum ac meritorum eius ; cui  
poteris tutò credere , copiosè ac plenè haud  
dubiè tecum acturo de eunètis quæ hic ge-  
runtur . Scribo ad Regem de illo ; suadens  
quantum possum ad exonerationem conscien-  
tiæ tum meæ , tum Maiestatis eius , vt eum  
citò huc remittat . Eget enim eo viro incre-  
dibiliter India : quoniam hic est qui Christi  
ouiculas à vi defendit atque insidijs insatiabi-  
lium luporum . Homo est Michael Vazius  
intrepidus & fortis ; qui numquam deterretur  
ab allatrands ijs qui recens ad Christi reli-  
gionem aggregatos persequuntur & bonis euer-  
tunt . Si alium huius loco Rex mittere huc  
volet ; quem reperiet (vt minimam Vazij  
dotium memorem) pari cum eo vsu prædi-  
tum Indicarum rerum , quibus per annos duo-



hi gratius, nihil posse iucundius facere, quam si planè ad nuntium ipsis obtemperes. Equidem si isthic essem, nihil, ne minimum, quidem quantuhuncumque facerem contra, vel præter auctoritatem & voluntatem eorum, qui Sancto isti Domicilio præsunt; obsequereturque illis diligentissimè in omnibus quæcumque mandarent. Optoque ac spero Deum intimo in animam tuam afflatu inspirationis suæ persuasurum Tibi penitus: nulla Te rem maiorem inire ab se gratiam posse, plusque ad suum obsequium laudemque conferre, quam, eius amore, abnegando tuam propriam voluntatem. Scribe ad me, quæso, singillatim de cunctis nostris Patribus ac Fratribus, præcipuè de P. Francisco Mansilla, per nauem quæ solutura isthinc Moluccum versus est. Scio Te id facturum fusè ac diligenter; & iam nunc præcipio spe ac desiderio voluptatem quam mihi literarum istarum afferet lætatio. Rogo Vos Carissimi Fratres, orate continuò pro me quotidianis vestris cum Deo colloquijs & Sanctis Sacrificijs. Indigeo peculiariter isto à vobis auxilio propter disci-

scri-

scrimina quæ adeo , nauigans in terras barbaras omnis generis periculis infestas . Proficiscitur hinc ad vos Simon Botellus , benè affectus erga istam Sanctam Domum . Referet ille vobis minutè de me ac rebus meis . Amicissimo illo ytor , vicissimque amo hominem plurimum . est enim vir valde bonus & Dei amans ex vero . Rogo Te vt eius amicitiam diligenter colas . Omnia ille in me veri Amici officia cumulatè præstitit , dono mittens quantum opus fuit ad viaticum & instrumentum nauigationis huius meæ , cum beneuolentissima significatione præstantis caritatis . Remuneret vtinam illum mea vice , qui potest , Deus : quantum enim illi debeam sentio . Deus Dominus noster , Carissimi Fratres in Christo , nos in sua sancta gloria coniungat ; quando in ista vita tam variè dispersi degimus .  
 Malaca xvi i . Kal. Ianuarias Anno MDXLV .

*Vester minimus Frater in Christo*

*Franciscus .*

## EPISTOLA IX.

IOANNI III. REGI LVSITANIÆ.

**D**omine. De Rebus Religionem & Dei Domini nostri cultum atque obsequium spectantibus in his Oris Malacæ & Molucci, confido Maiestatem Tuam ad minutum distinctè cognituram ex literis quas scribo ad Societatem in Europam; cum quibus sunt etiam rescripta ad literas huc ad nos datas à Te, Domine, quem habemus & agnoscimus præcipuum & verum Protectorem vniuersæ Societatis Iesu; amore ac beneficijs cumulatè talis nominis officium explentem. De statu Religionis ac Christianitatis Indiæ, Pij ac Religiosi Viri qui istinc ad Vos, studio promouendi diuini obsequij, se conferunt, Tuam Maiestatem plenissimè docebunt. Præterea P. Frat. Ioannes de Villa-comdea fidelis Dei Minister, & multa experientia rerum quæ geruntur in Insula Ceilano, de illis scribit quæ ad exonerandam conscientiam tam eius quam Tuæ Maiestatis significare ipsum & Te cognoscere vtrius-

vtriusque interest. Ea ille fusè clareque ac  
 summa fide dislerit, partim in Epistola inscripta  
 Tuæ Maiestati; partim in Actis ac Commenta-  
 rijs simul missis, quæ mihi omnia communi-  
 cauit. quare dignam rem sua cætera sapientia  
 fecerit Maiestas Tua; si tam fida notitia rectè  
 vtens, quamprimum ea iusseris quæ ad defun-  
 gendum tuo hac in parte munere ac officio, ne-  
 cessariò decernenda videbuntur. Denique Fra-  
 tres quoque meos è Societate existimo & ipsos  
 scribere ad Maiestatem Tuam; reddereque  
 singillatim ac minutè rationem Christianitatum  
 Comorinensis, Goanæ, & aliarum quæ per  
 hos Indiæ Tractus aut iam conditæ sunt, aut  
 quotidie conduntur. augentur. ve. quod ad me  
 priuatim attinet, multum ac sæpe cogitavi, de-  
 liberauique cum animo meo, ecquid expone-  
 rem per literas Maiestati Tuæ quod mihi cir-  
 cumspicienti quæ hic fiunt, & attentissimè  
 cuncta reputanti, faciendum videretur ad late  
 disseminandam in his Terris & firmiter stabi-  
 liendam nostram Sanctam fidem. Hinc qui-  
 dem impellebat vt aggrederer, studium obse-  
 quendi Deo & eius promouendæ gloriæ :  
 deter-

deterrebat aliunde ne auderem , quòd desperarem extitutum inde operæpretium . neque enim in rem vnquam conferenda confidebam quæ proposuissem . Atqui tacere saluo officio haud mihi videbar posse ; vtique cum appareret non sine certo consilio concessum mihi diuinitus vt hos penitus animo sensus conciperem . Nec comminisci poteram verisimilius quidquam cur Deus ista mihi aperire voluisset , nisi vt à me indicarentur Maiestati Tuæ : & tamen rursus verebar , ne si quod me angit exponerem , hæc mea Epistola forte in hora mortis accusaret apud Deum Maiestatem Tuam , aggrauaretque conditionem ac periculum illius iudicij supremi , demenda Tibi excusatione ignorantia . Credat mihi quæso Maiestas Tua , id me non mediocriter angebat . quippe cum mihi essem intimè conscius , nihil me spectare aut cupere hic aliud , nisi laboribus me conficere , & vitam ipsam profunderè in salute animarum per hos Indiæ Tractus procuranda ; vt sic detraherem quantum possem de onere officij incumbentis Tibi ; & defungenda parte commendati curæ tuæ mune-

ris, expedirem rationes conscientia Maiestatis  
Tuæ; securioremque Te in iudicij extremi  
terribili alea præstarem, quod vt tua causa,  
velim & quavis contentione ac ærumna mea  
bene putem emptum, meretur ingens tuus in  
nostram Societatem amor. Hæ contrariæ,  
Domine, sollicitudines, inter officij mei & tui  
periculi alternantes metus, mirè misereque,  
vt verum fatear, meum ad se quæque variè  
trahentes discerpebant confundeabantque ani-  
mum; quoad denique in eam partem delibe-  
ratio consedit, quæ defungendum semel, exo-  
nerandamque effusione diu pressorum sensuum  
conscientiam præscribebat meam. En igitur  
quæ à me in his Indiarum, Malacæ ac Mo-  
luci Regionibus præsentī, eaque longa, expe-  
rientia comperta, conuulnerant mihi mentem  
& ægritudine conficiunt. Pro certo habeat  
Maiestas Tua; in his locis, vti & alibi, ple-  
rumque omitti multa quæ fieri ad Dei obse-  
quium expediret, ob quasdam Sanctitatis spe-  
cie fucatas, reuera vitiosas & valde noxias  
æmulationes; arcanis offensiunculis eos inui-  
cem committentibus, qui rebus hic gerendis  
præ-



præfunt. Dum quidam ait : meum est hoc agere ; nec alteri concedam vt eius facti laudem tollat. Alius contra ; quando ego non hoc facio, à vobis fieri non gaudeo. Ecce alter diuerse queritur : Ego pondus porto & labores exantlo . gratiæ ac fructus operum proueniunt alijs . In istas altercationes ardescunt studiis , pro se & scribunt & fatagunt, quo suam quisque rem promoueat . Inter hæc tempus consumitur , occasiones elabuntur : locus non relinquitur proferendo cultui Dei Domini nostri . Nec dissimili de causa sæpius euenit, vt quæ magnum honorem præcipuamque vtilitatem allatura Maiestati Tuæ fuerant in India, negligantur . Vnum isti malo remedium excogitavi , quod si adhiberetur, & multi, ni fallor, Christiani fierent in his Tractibus ; & qui ex ijs , quod apud Potentes gratia carcant , expositi sunt iniurijs , cari commendantique Magistratibus forent : vt nemo eos vexare , nemo spoliare, neque Lusitanus neque Indus auderet . Hoc autem est : vt significet Maiestas Tua , vel per literas Prætori ac Præfectis qui iam sunt



in India, vel voce coram, ijs quos huc mites rebus præfuturos, clarè inquam ijs significes ac certò denuncies: Te incrementum Nostræ Sanctæ Fidei, quod præ omnibus cupis, præcipuè, ante omnes Religiosos & Sacerdotes qui in Indijs sunt, ipsi Prætori aut loci Præfecto commendare; in eo præsertim confidere; ab eo repetiturum rationem; ei quod benè, quodue perperam actum in eo genere fuerit, totum imputaturum, præmioque aut supplicio repensurum. Atque in ea declaratione, quo minus esset interpretationibus obnoxia, cuperem equidem nominatim exprimi nos omnes qui versamur in his locis; negando in quemquam nostrum aut in omnes simul deonerare Te vllam partem officij quod conscientiam Tuam grauat; sed in eum solum qui à Te autoratus Prætoris aut Præfecti potestate locum quemcumque obtinet, vbi rei Christianę gerendę qualiscumque occasio est. cum enim Deus Maiestatem Tuam isto grauißimo constrinxerit officio, consulendi videlicet eterne salutis subiectarum Tibi Gentium, non alijs à Te id debere demandari, quam

Vicarijs! autoritatis isthic Tuę , & personam  
Tuę Maiestatis dignitate Magistratus repræ-  
sentantibus : quorum alicuius negligentia si  
euenisse comperias , vt non multi Christi Fi-  
dem eo gubernante in loco ipsi commissio-  
susceperint , pœnas quæ ob neglectum obli-  
gationis tantæ in tuum ipsius impenderent ca-  
put , Te in ipsum auersurum ; cum iam an-  
tea clarè denunciaueris , totum istud grauif-  
simum officium imbuendas curandi Fide Chri-  
sti animas Infidelium Tibi subiectorum , Te  
in tuos Primarios horum tractuum Ministros  
exonerasse . Quoties igitur ad Te Prætor  
aut Præfectus scribet , exponat quo loco Chri-  
stiana res sit : quot & qui quales-ue credi-  
derint ex Ethnicis : quæ spes sit quæque fa-  
cultas adducendorum aliorum . Literis eius  
solis in his quæ de hoc genere ferentur , fi-  
dem adhibiturum Te ; alijs quorumuis eo de  
argumento scriptis non acquieturum . Quod si  
eo in loco vel Prouincia cui quisque præest ,  
eo tempore quo præfuit , parum aucta nu-  
mero Neophytorum Ecclesia nostra Sancta  
fuerit , cum constet multum vbique ac sem-

per augeri posse, Immodo Præsides velint; ser-  
riò ac fide regia denunciaret Maiestas Tua ip-  
sis in Diplommatibus quibus eos instituis &  
potestatem confers, Te poenas ab ipsis repe-  
titurum. Idque percuperem Te iureiurando  
confirmare; pollicerique palam interposito so-  
lemni formula conceptis verbis Dei nomine;  
Te, per quemcunque Præsidem steterit, ne  
Fides propagetur; eum, postquam redierit in  
Lusitaniam, mulctaturum bonis, & pecuniam  
eius remque familiarem vniuersam in Opera  
Misericordiæ expensurum; ac præterea vincu-  
lis ipsum & dura custodia multis annis deten-  
turum. Clareque moneas ne errent, sibi que  
blandiantur; quasi minæ deducendæ in rem  
nequaquam sint. certo enim certius Te nul-  
las, quæcunque obtendi possint, excusationes  
accepturum. vnamque restare ipsis viam Tuæ  
seueritatis euitandæ; promerendæque gratiæ,  
si quamplurimos locis & temporibus quibus  
rexerint, effecerint Christianos. Cur ita fieri  
necesse sit multis possem experimentis, quæ  
mihi sunt perspectissima demonstrare. Sed  
hæreret in his nequeo; ne molestus sim Maie-  
stati

ſtati Tuæ ; & meas ærumnās præteritas ac  
 præſentes ſine ſpe operæpretij recitem. Tan-  
 tum dico : Si Prætor aut Præfectus quicum-  
 que ſit, certiffimè ſibi perſuaſerit, talia ex ve-  
 ro à Maieſtate Tua dici ; planeque ita factu-  
 rum Te ſicut denunciaviſti ac iuraſti, vno anno  
 uniuerſa Inſula Cæilaniæ, & multi oræ Mala-  
 baris Reges, totumque quam latè patet Co-  
 morini Promontorium Chriſti Religionem  
 amplectetur. quamdiu veſo Prætores aut Præ-  
 ſecti locorum Indiæ non vrgebuntur iſto me-  
 tu dignitatis & rei familiaris amittendæ, niſi  
 Chriſtianos plurimos fecerint, nullum ma-  
 gnum ſperet Tua Maieſtas ſucceſſum prædica-  
 tionis per Indias Euangelicæ ; certiffimumque  
 habeas, nec accēſſuros multos ad Baptiſmum,  
 nec qui acceſſerint multum in Religione pro-  
 ſecturos. neque omnino per aliud ſtare quo-  
 minus quotquot viuunt Homines in India  
 Chriſti Diuinitatem agnoſcant, & eius ſacram  
 Doctrinam profiteantur ; quam quod, qui  
 Prætor aut Præfectus id curare neglexit, nul-  
 la per Maieſtatem Tuam graui pœna mulcta-  
 tur. Et quoniam vix ſpero id ymquam futu-

rum, parum abest. quin me hæc scripsisse,  
poeniteat: vbi præsertim reputo; forsitan Ma-  
iestatem Tuam ex hoc ipso quod Te de hoc  
admonui, inexorabilius apud Dei Tribunal iu-  
dicandam. nec scio vtrum tali tempore ad-  
mittenda sit exceptio qua forte allegabis: Te  
non fuisse obligatum ad fidem adhibendam  
meis literis. Ex animi mei sententia summa  
fide profiteor Maieitati Tuæ, me nequaquam  
scripturum hæc fuisse: quæ hætenus exposui  
de Præfectis aut Præsidibus horum Tractuum  
si posset me reticere ista sine crimine, persua-  
dere mihi ullo modo potuissem. Nondum,  
Domine, planè constitui an sim iturus in  
Iaponiam: sed magnum mihi momentum, vt  
in consilium eò proficiscendi propendeam,  
addit, quod valde diffido adfuturum mihi  
hic in India cum verum & efficacem Ma-  
gistratum fauorem qui esset necessarius ad  
incrementum Nostræ Sanctæ Fidei, & ad con-  
seruationem Christianitatis iam factæ. Obse-  
cro atque obtestor Maiestatem Tuam, per  
quo Deum Dominum Nostrum amore pro-  
sequeris, quoque ferris studio ei gratificandi,

vt tuis fidelissimis per Indias subditis , mihi-  
que cum illis tantum regiæ istius indulgeas  
gratiæ , vt proximo anno multos nostræ So-  
cietatis concionatores huc mittas . Nam Ti-  
bi Domine verissimè denuncio , multum ta-  
libus egere Arces tuas Regias per Indiam ;  
tum ob Lusitanos qui in illis Præsidijs de-  
gunt , tum ob novos Christianos qui subie-  
ctis in Urbibus aut Pagis viuunt . Exper-  
tus loquor . quæ , inquam , vidi , quæque  
præsens sensi ad hoc scribendum me im-  
pellunt . Quo tempore Malacæ , quoque  
in Molucis fui , bis quolibet die Dominico ,  
aut alioqui festo , ad concionem dicebam .  
Id ita facere cogebar , quòd egere plurimum  
& milites & populum qui ibi sunt multipli-  
cato diuini verbi pabulo videbam . Lusitanos  
igitur de sacro pulpito docebam ad matuti-  
num sacrum : à prandio Filios , & Filias ,  
prætereaque Mancipia ipsorum , & liberos ex  
Indigenis Christianos , accomodato ad captum  
cuiusque sermone erudiebam ; Capita Chri-  
stianæ Doctrinæ singillatim edisserens . Certo  
vero infra hebdomadam die ad congregatas  
in



in Templo vxores Lusitanorum, tam Indigenas, quam ex utroque genere mixtas, concionem catechetica[m] habebam de Fidei Articulis & Sacramentis Confessionis & Communionis. Paucis annis ingens operę pretium ad Dei obsequium extaret, si hic docendi tenor constanter in locis omnibus vigeret. Intra ipsas porro Arces tradebam per id tempus quotidie doctrinam Christianam post meridiem liberis Lusitanorum vtriusque sexus, seruis item & Ancillis eorundem, ac Christianis Indigenis. ex qua Institutione præsens fructus extabat, quod Idololatricę superstitiones & magicę præstigię, quę inter rudes Neophytos, antea frequentabantur, iam prorsus omitterentur. Hęc ita minutim refero Maiestat[i] Tui, vt hinc pro Tua sapientia iudices, quanta hic sit opus Concionatorum copia; & eam, quod est consequens, idoneam procurare ne obliuiscaris; utique cum, si quę hic iam grauis sentitur eius auxilij penuria in posterum quoque perseveret, non modo qui recens ad nostram Sanctam Fidem sunt conuersi, non perstituri sint in pro-

posi-



posito ; sed ne ipsi quidem Lusitani ultra fere plerique quam nomine tenus sint futuri Christiani . Valde vereor , Domine , ut quem velim , & opus esset , hæc mea desideria effectum nanciscantur : egrèque adducor , infelicitatem Indiæ expertus , ad certò confidendum , tanti eam boni , quantum illi opto futuram compotem : cuius ea est quasi conditio innata , aut potius maligna indoles , ut exactam religionem & excellentiam officiorum exquisitæ virtutis in publicum morem induci , & passim apud plerosque inualescere minimè ferat . Idibus Ianuarij huius anni appuli Cocinum Malaca veniens , vbi Episcopum repereram , ex eiusque conspectu , atque usu magnum animi fructum ceperam ; animaduertens quanta caritate ingentes corporis labores sustineat , obeundo singillatim Arces intra suam Dicecesim sitas , & adeundis excolendisque Christianis S. Thomæ ; suo sic plenè officio fungens , prout verum , ac bonum , qualem se per ista probat , Pastorem decet . Horum tam laudabilium operum merces ei à certis horum Tractuum

Hominibus talis omninò persoluitur , qualem sanctis rependere Mundus consuevit . Multùm mihi placuit , & quadam sui reuerentia perfudit , presentibus perspecta experimentis Sancta Viri Patientia . Scio mustitari nescio quid per Indiam de illo à Filijs huius sæculi , quos etiam arbitror ad Maiestatem Tuam scripturos sinistram istam ipsam suspicionem qua cum temerè aspergunt occasione mortis Michaëlis Vazij . qua in re , hoc ei verissimum & syncerissimum debere me testimonium sentio , & , vt graui me exonerem officio , reddo : affirmans certo scire me ( quamuis qua via quouemodo id didicerim , dicere aut scribere non possim ) compertissimum , inquam , mihi esse , nihilò magis cum de isto euentu culpam iure posse , quam me ipsum , qui longissimè illinc apud Molucas aberam quando istud contigit . Oro atque obsecro Maiestatem Tuam , pro eo quantum & Deumamas , & Deo gratificari studes , & tuam ipse conscientiam ab omni contagione labis seruare puram cupis ; ne quidquam circa

hec

hec agas aut decernas vnde isti viro bono ægrè sit . Sanè si Maiestas Tua Fidem adhibere videretur falsissimæ isti calumniæ , inde adderetur autoritas , & augetur confidentia Obtrectatoribus qui sunt in India . Quod Maiestas tua Petrum Gonzaluium Proepiscopum Cocinensem inter Sacelli Regij Præfectos adsciuit ; quodque Fratris eius Filium Aulæ Palatinæ honorarijs Ephebis accensuit , vt ad meum quoque beneficium pertinere putem , ingentia Viri huius in Societatem nostram merita faciunt . Me itaque ac nostros omnes eo peculiari nomine Maiestati Tuæ obstrictos profiteor . quod minus miraberis , Domine , si scias Domum Cocinensis Proepiscopi Diuerforium esse Societatis Iesu . Nec vulgaris hospitij aut vſitatæ amicitie finibus benignitas in nos eius coërcetur : eò vsque liberalitate procedente , vt postquam in nostros vsus cuncta expendit , quæ ad manum sunt , mutua corroget ab alijs quæ superimpendat . Oro Maiestatem Tuam nomine Societatis vniuersæ , vt tam ei quam eius Fratris Filio iubeas isthic expediri

diri necessarias Literas , vt hic statæ ipsi  
 Pensiones cum fide præbeantur. Vterque  
 ista gratia dignus est. Proepiscopus quidem  
 quia inuigilat Saluti æternæ fidelium subdito-  
 rum Maiestatis Tuæ ; Fratris eius Filius ,  
 quia militarem operam Patriæ ac Reipublicæ  
 tuis auspicijs nauat. Desino in hoc voto :  
 Det vtinam Deus Dominus noster Maiestati  
 Tuæ ; vt penitus in animo tuo sentias , ac  
 simul factis exequaris , quidquid ipso in mo-  
 mento mortis tuæ gauderes à te factum. Co-  
 cino xiiii. Kal. Februariâs anno MDXLVIII.

Tuæ Maiestatis Seruus inutilis

*Franciscus.*

## EPISTOLA X.

P. SIMONI RODERICO SOC. IESV.

Gratia & Amor Christi Domini Nostri  
 adsit semper nobis auxilio & fauore Amen.

**Q**ui has Tibi reddet literas homo est vsu  
 hic aliquo mihi notus. Is in Lusita-  
 niam

niam proficiscitur animo postulandi à Regē  
præmia operæ à se Reipublicæ nauatæ : ve-  
hementerque à me institit, vt commendati-  
tias in eam rem ad Te Literas darem. Ag-  
nosco equidem, nec ipsi dissimulaui, longè  
quæstuosiorem ambitionis artem instituerē  
illum, agendo cum Deo, posse; impetran-  
daque ab eo suorum peccatorum venia; quam  
meritorum ac rectè factorum terrenam mer-  
cedem à Rege mortali nundinando. Is ta-  
men ab ista vtiq̃ spe ac cogitatione, hic  
quidem, deduci non potuit. Experiare isthic  
censeo; ecquid animum cum Cælo mutaue-  
rit. Et si forte illum mala periculaque  
nauigationis opportuniorem cœlestibus moni-  
tis fecerint, suade homini, vt Monachus  
potius isthic hæreat, quam huc redeat mi-  
les. Si persuaseris: ne Tu hominem mi-  
ferum ingenti affeceris beneficio; atque adeo  
lucriferis animam perditam. quod si defi-  
xus caducis animus ad tantum Philosophiæ  
non assurgit, iuuetur sanè in ijs quæ iuste  
postulat; & Te quoad potes conciliante con-  
sequatur ex honorarijs quæ meritis longa

militiæ tolerantia , saltem quantum ad victum. isthic ei opus est . Id ego Te vt coneris eius causa etiam atque etiam per Dei caritatem rogo .

Postquam omnès literas perscripsi quas dare constitueram in Lusitaniam ferendas Petro Fernandez , functo in his Indiæ Tractibus munere proepiscopi , appulerunt huc Malaca Naues quę certo nunciant, Portus Sinicos infensos infestosque Lusitanis esse . Non tamen hoc me deterrebit à tentanda profectioe in Iaponiam , quam vti iam significauì Tibi me decreuisse , ita Deo iuuante suscipiam . Non est enim alius fructus animi maior in hac ærumnosa vita , quam viuere in magnis moriendi periculis , quorum adeundorum vnica & vera causa fuerit solus Dei amor , & ei gratificandi , dilatandęque nostrę sanctę Religionis syncerum studium . Suauius , mihi crede , homini est in hisce laboribus versari , quam sinè illis pacatè , otioseque viuere . Deus Dominus noster nos in sua sancta gloria coniungat . Vale . Cocino VIII. Kal: Februarias Anno MDXLIX.

Tuus in Christo amantissimus Frater *Franciscus*.

EPI-



## EPISTOLA XI.

E I D E M.

Gratia & Amor Iesu Christi Domini No-  
stri adsit nobis semper auxilio & fauore Amen.

**N**E mirere quòd scribam ad Te sæpius.  
Nam & multi sunt qui hinc ad vos  
proficiscentes, literas à me quas ad Te perfe-  
rant petunt ; & Ego perlibenter omnem oc-  
casionem arripio compellendi tui : vtique con-  
fidens fore , vt quæ à me scribuntur fructu  
animi mei magno , à Te pro amore mutuo,  
legantur non sine voluptate. Qui Tibi hanc  
reddent Epistolam duo viri honesti sunt ac  
probi, optimique Christiani, ciues Malacæ Vr-  
bis, vbi Domicilia & Familias habent. Cau-  
sa illis fuit istuc nauigandi cura exoluendi se-  
certis officijs obsequijsque ad quæ adstringe-  
bantur . Narrabunt Tibi multa de Malacæ  
ciuitate , de laboribus in ea nostrorum , &  
fructu qui ex ijs prouenit , quæ habent per-  
spectissima , vtpote cunctorum testes oculati .



Ferunt etiam literas P. Francisci Perez, quibus puto illum, uti se facturum recepit, fusè, distinctè, ac minutim explicare quo successu functiones Instituti nostri propriæ illic exercentur. nec tacebant de Sinicis Iaponicisque rebus. in ea enim vrbe diu fuerunt, quæ commercijs illarum Terrarum & Gentium opportuna, optimè omnium nouit quid in ijs geratur. Mirati se multum aiunt amici mei ac familiares omnes, quòd nauigationi tam longinquæ tamque periculosæ me committam. Sed miror Ego magis modicam illorum fidem. Habet in manu ac ditione sua Deus noster Tempestates Marium Sinici & Iaponici, quibus vehementiores negant vspiam vllas existere. Subsunt eiusdem potestati venti omnes, scopuli, Syrtes ac Breuia, quæ plurima, insidiosissimaque, ac infamia naufragijs ibi feruntur esse. Imperio idem suo continet Piratas omnes, quorum illic infinitum numerum prædicant, eorundemque immanissimorum, quique soleant exquisitis enecare cruciatibus quos capiunt, præsertim Lusitanos. Cum igitur Deus Dominus noster sub sua ditione

teneat hæc omnia, à nullo eorum quidquam timeo. Deum ipsum metuo solum; ne ob meam in eius obsequio negligentiam, quodque ineptus inutilisque mea culpa sim in Regno ac Nomine Iesu Christi Filij eius inter Gentes quæ ipsum non norunt proferendo, iustè castigandum decernat. Extra hunc, omnes illos alios metus, pericula, labores, quæ tam formidolosè Amici certatim intentant mei, non facio nauci, & securus rideo. vnusque in me Dei timor cunctos creaturarum metus extinguit; quippe quas nocere nemini scio posse, nisi cui & quatenus Conditor ipsorum incommodare permiserit. Redeo ad duos Nostros, oroque Te, pro eo quantum Dei ac Domini nostri amor atque obsequium Tibi cordi est, vt paucis diebus quibus Olyssippone futuri sunt, eos foueas, hospitio cominodo excipi cures, in cunctis adiuues, prout poteris & res exiget. Ac cum, auditis quæ multa illi vobis de India narrabunt, ipsos confectis negotijs remittetis huc, fac eis deferendas ad nos tradas longas & accuratas literas, quæ nos omnia doceant de cunctis Societatis no-

stræ Patribus ac Fratribus, qui in Italia, Gallia, Belgio, Germania, Hispania, & Aragonia sunt: nominatim autem de benedicto & mihi singulariter caro Collegio Conimbricensi. Has Tu literas Malacensibus Nostris inscribas censeo. Illis enim tradita earum autographa ab his duobus indidem ciuibus ad sua reducibus, seruabuntur ibi; & exscripta ex ijs exempla ad nos è Malacensi Portu, vnde singulis annis multæ in Sinas & Iaponiam naues soluunt, tot mittentur vijs, vt per vnâ harum aliquam successum habituram ad nos peruentura sint. Deus Dominus noster nos coniungat in sua sancta Paradisi gloria. Amen. Kalendis Februarij Anno MDXLIX. Tibi deditissimus & Tui amantissimus in Christo Frater

*Franciscus.*

## EPISTOLA XII.

IOANNI III. REGI LVSITANIÆ.

**N**on scribo Maiestati Tuæ calumnias ,  
 iniurias , vexationes , quibus hic exa-  
 gitantur & opprimuntur , qui recens ad no-  
 stram sanctam Religionem accesserunt . Pa-  
 ter enim Frater Ioannes de Villacomdea ,  
 isthuc proficiscens cuncta eius generis fusc  
 verissimeque narrabit , & quasi subijciat ocu-  
 lis Maiestatis Tuæ . Debes illi viro , Do-  
 mine , multas gratias ob labores ingentes &  
 innumerabiles quos per hos Indiæ Tractus  
 exhausit in diuino tuoque obsequio , & vt  
 conscientiaæ atque officij Maiestatis Tuæ ra-  
 tiones expediret apud Deum . At in æsti-  
 mando P. F. Ioannis merito , nolim à Maie-  
 state Tua solum reputari contentiones , per-  
 persiones , vigilias , & cæteras corporis  
 ærumnas , vt cūque cæ multæ , graues ,  
 continuæque fuerint , quas pertulit . Ludus  
 enim hæc ac remissio sint si comparentur  
 cum mentis angoribus , & dirissimo tormen-

to animi quo intimè lacerabatur spectans suis oculis , nec prohibere vlla ratione valens , Præfectos Arcium & Procuratores Fisci immaniter agere ferreque , & avarissimè diripere miseros Neophytos , in fide Christi , quam nuper susceperunt , teneros adhuc : quos ideo illi ipsi qui vexant christiani Magistratus fouere potius debuerant & beneficijs amplecti . Hoc vero , mihi crede Domine , Cordolium longe supra omnes corporis dolores acerbissimum est , atque adeo , vt sic dicam , martyrij genus horrendum , cruciatibus quibusuis tyrannicis atrocius , cogi patienter acquiescere cum videas momento destrui aliena culpa , quæ tuo & aliorum longi temporis vehementissimo conatu , ærumposissimaque constantia proximè fastigium perducta erant . Hic pro certo ferebatur , Regem Ceilani pretiosa xenia ad Maiestatem Tuam mittere , ob beneficia quæ à Te quotidie accipit plurima . Habeat pro indubitato Maiestas Tua , immanem in eo & acerbissimum Christi hostem Ceilani regnare : & , quod pene dictu nefas est , ad nocendum Christi causæ , opprimendamque

damque quam potest maximè religionem ;  
non alia magis potentia ; quam tua gratia  
tuisque donis autorari & armari . Verissima  
hæc sunt ; sed vobis auditu fortasse non grata  
quare equidem perinultus scribo ; præfertim  
cum id ne frustra fecerim metuam . Dum  
enim hic de futuris æstimatur ex præterito-  
rum experientia ; sanè verendi causa est ; ne  
in posterum quoque maior longè ac clarior  
Tuæ Maiestatis fauor extet in illum profes-  
sum & atrocem Inimicum Christi , quam  
in Religiosos Sacerdotes qui rem Christia-  
nam Ceilani curant . quæ palam cernentibus  
euidencia ipsa rerum voces interdum elicit Li-  
beras ; quas pace tua Domine hic ponam :  
Imperio Te Indiæ non ad amplificandum  
Christi regnum uti ; sed ad corradendas opes  
humanaque duntaxat ac temporaria Tibi ac  
Tuis conficienda commoda : Ignoscat mihi  
quæso Maiestas Tua si tam clarè ac sine am-  
bagibus res ut sunt exprimo . Hoc enim me  
ita facere cogit verus & syncerus amor ac  
studium quo Tui Tuæque Salutis æternæ ,  
Domine , teneor ; cum audire mihi videar Dei



Sententiam Supremo iudicio decernentis , aut potius quid decreuerit extremo Tuæ mortis momento , declarantis ; cuius necessitatis vim nemo eluctari quantumvis potens ; nemo arte propria , ope - ve alterius cuiuslibet , valet effugere . Nec quæso nimium confidat Maiestas tua ijs Mandatis quæ multa & gra- uia piè ac speciosè inseris Literis Regijs ad Prætorem , Præfectos , & cæteros Indiæ Magi- stratus , iubens ante omnia Religioni caueri & faueri Christianæ . Ego enim , Domine , qui res vti se habent præsens intueor , clarè intelligo , nullam prorsus restare spem fore , vt talibus vnquam mandatis verè ac serio deferatur . quare vna mihi non in postremis causa est Japoniam cogitandi , vt illas in- extremas Orientis Insulas fugiens , operam- vtiliùs quam hic hætenus collocem . P. Fr. Ioannes fert secum communicanda Maiestati Tuæ capita quædam circa miseros Christianos Oræ Comorinensis . Capiat Maiestatem Tuam aliqua misericordia illorum . neu gra- uere esse illorum Pater ; Orphani enim sunt , morte nuper Michaëlis Vazij optimo ac ye-  
rissi-



rissimo Patre amisso. Quinque & quadra-  
 ginta iam anni sunt ex quo Episcopus qui-  
 dam Armenus, nomine Iacobus Abuna, Deo  
 hic & Maieſtati Tuæ inferuit. Homo est ex  
 æquo ferè Deo carus ob virtutem ac Sancti-  
 moniam; & Maieſtati Tuæ ac omnibus fe-  
 rè qui poſſunt aliquid in India neglectus ac  
 ſpretus. Deus illi ſic merenti per ſe conſu-  
 lit; Nos eo haud dignans honore, vt instru-  
 mentis vtatur nobis ad conſolandos ſeruos ſuos.  
 Soli cum Ordinis S. Franciſci Patres ita cu-  
 rant, eaque amplectuntur beneuolentia cui  
 nihil addi poſſit; abſque qua foret, iamdiu  
 bonus ſenex conſectus ærumnis efflaſſet ani-  
 mam. Liceat conſulere quod ſentio. Ma-  
 gnoperè autor ſum Maieſtati Tuæ vt ad iſtum  
 Bonum Præſulem ſcribi cures tuo nomine,  
 verbis honorificis & beneuolis; indito Literis  
 iſſdem, quod poſſit Gubernatoribus ac Pro-  
 curatoribus monſtrari, mandato, præſertim  
 Præſecto Cotinenſi, vt cum honorent, hoſ-  
 pitio excipiant, officijs & fauore proſequan-  
 tur; maximè cum quid petet, aut qua re in-  
 digebit. Hæc ſcribens, non illi pio Antiftiti  
 pro-

prodesse ac gratificari me putabam, sed Ma-  
iestati Tuæ. Nam ei per beneficam Patrum  
Franciscanorum caritatem nunc quidem nihil  
deest: Maiestas vero Tua Hominis apud  
Deum gratiosi favore ac commendatione  
multum eget; quam promereri tali poteris  
officio. Eo est ille vir, vel hoc nomine  
dignissimus, quod multum exhaust laborum  
in excolendis Christianis S. Thomæ: & nunc  
in sua penè decrepita ætate obedientissimè se  
accomodat cunctis ritibus & consuetudinibus  
Sanctæ Matris Ecclesiæ Romanæ. Scio scri-  
bere solere Maiestatem Tuam ad Patres S.  
Francisci. ei fasciculo posset inferi hæc ad  
Episcopum Armenum Epistola, quam suadeo  
scribas omnibus fauoris, æstimationis, &  
affectus significationibus plenam. Deus Do-  
minus Noster imprimat penitus menti Maie-  
statis Tuæ claram notitiam sanctissimæ vo-  
luntatis suæ; suggeratque simul vires, & au-  
xilium conferat ad eam ita plenè perfectè-  
que exequendam, vt Tua Maiestas gaude-  
ret à se factum Hora extrema mortis suæ.  
quando à Te, Domine reddenda Deo ratio  
erit

erit totius anteaq̃ vite . Id decretorium  
 eternitatis momentum citius aderit quam Ma-  
 iestas Tua putet . quare danda maturè opera  
 est vt benè ad illud paratus occurras . Re-  
 gnà & Principatus transeunt . His noua suc-  
 cedet & inopinatissima facies rerum : plane  
 qualis ne cogitatione quidem ac suspicione  
 prima , Maieitati vniquam Tuæ in mentem  
 venerit . Videbis enim Te per mortem spo-  
 liatum Regnis , & possessionibus eiectionem cun-  
 ctis , in alia longè diuersa contradi. terribilia  
 & tenebrosa Regna ; in quæ durissimum &  
 acerbissimum erit relegari ex illis alijs auersum  
 præsertim si , quod Deus auctat , extra Pa-  
 radisum & eius spem esses amandandus . Co-  
 cino vii. Kal. Februarias Anno MDXLIX.

Tuæ Maiestatis Seruus inutilis

*Franciscus.*

## EPISTOLA XIII.

EIDEM.

**Q**Voniam Regijs isthinc missis literis iussisti me, Domine, scriptò referre ad Maiestatem Tuam de ijs qui per hos Tractus cum fide ac diligentia commisso à Te sibi munere funguntur; sic velim habeas Duartem Barretum, qui negotia Regni tui nuper procuravit Malacæ, nihil in ea functione omisisse quod ab homine gnauo, industrio, fideli expectari posset. Ita enim prospexit rationibus Fisci, ita Negotiatoribus fuit, iure sine personarum respectu ex æquo dicundo, ita denique in omnibus se gessit, ut eius iste Magistratus honori apud has gentes Maieitati Tuae fuerit. quippe cum ex hoc specimine iudicantes Homines vulgò crederent, Te Ministros huc Imperij Tui tales mittere, quos virtutibus quæ Tibi maximè probarentur, quibusque ipse abundares, instructissimos scires. Equidem sic arbitror: Regum ac Principum latè imperantium in eo verti  
glo-

gloriam; si, quas ipsi per se administrare non possunt suę ditionis partes, ijs committant quorum existimari similes honestum ipsis sit; quosque Populi cum viderint, cumque fidem, gravitatem, equitatem ipsorum usu perspexerint, studio amplexi fuerint, expressam effigiem laudum ac decorum Principis absentis in presentibus ab eo missis eius Vicarijs, spectare sibi ac tenere videantur. Horum de numero ac genere optimo Ministrorum qui summam sibi felicitatis ponunt in perfectè obsequendo Regi suo, vel inprimis est Duartes Barretus: hoc nomine dignus quem Maiestas Tua re ac dignitate auctum velit; cuiusque ob egregiè Tibi ac Reipublicę nauatam operam remunerandi quærendas occasiones putes. Ea quę dixi ut faceret, multum illi laborum exantlandum fuit; multæ (quę copia hic Improborum est) contentiones suscipiendę, certandaque certamina. Nec imputari potest in locum idoneę mercedis, pro sedula diligentia tot annorum, Pręfectura, cuius memini, Malacensis. Primùm quia casu quodam factum est, ut parum ipsi

ipſi queſtuofa foret ; deinde quia tem-  
 pus eius totum explere non potuit . qua-  
 re hinc pauper diſcedit . Dignare , Do-  
 mine , ei conſulere , utique Homini  
 quantamvis à Maieſtate tua gratiam me-  
 rito . Adiungat precor Deus Dominus  
 Noſter multos annos ad vitam florentem  
 & felicem Maieſtatis Tue : concedatque  
 per ſuam clementiam Tibi , ut in hac  
 vita cognoſcas Sanctiſſimam eius volunta-  
 tem ; benigneque ſuppeditet vires animi  
 abundantes ad ea ſenſibus , operibus ,  
 affectibus agenda quæ ſupremo tempore  
 feciſſe Te gauderes . Malaca ix. Kal. Iulias  
 Anno MDXLIX.

Maieſtatis Tue ſervus inutilis

*Franciſcus .*



## EPISTOLA XIV.

E I D E M.

**A** Vditis, Domine, ac sepe multumque  
 consideratis, quæ à varijs ijsdemque  
 idoneis Autoribus, quippe in re præsentiver-  
 satis, plurima & mira referuntur de insigni  
 quadam dispositione quæ in Insulis Iaponiæ  
 cernitur ad accipiendam nostram sanctam Re-  
 ligionem; putavi mihi vehementer atque  
 instanter à Deo nostro Domino petendum,  
 ut dignaretur sensu quodam intimo in ani-  
 mum meum immisso significare, ecquid ip-  
 si cordi esset, me illò proficisci; simulque  
 daret vires ad perficiendum quod iuberet.  
 Placuit Divinæ Maiestati, eius me voti com-  
 potem facere. Planè siquidem in animo meo  
 sentio, & penitus persuasus sum, expedire  
 ad Dei obsequium me in Iaponiam tendere.  
 Ergo alacri vicens fiducia, moras abrumpi  
 omnes ex India soluens; ut iam haud dubiè  
 vocantem, crebrisque ac vehementibus inci-

tan-



tantem ad istud iter impulsibus Deum sequer . Eo cursu hunc Malacę Portum tenuimus duo Socij mecum , & tres Iapones Christiani recentes ; sed valde boni , qui post plenè percepta Iesu Christi Domini nostri vitę ac doctrinę mysteria & dogmata , Goę in Collegio Sanctę Fidei baptizati sunt . Omnes legere more nostro , ac scribere didicerunt . recitantque Ecclesiasticas Preces , ac statis horis diuina meditantur . Mouet illos atque afficit præcipuè consideratio Laborum & dolorum Christi ; Crucisque ac mortis eius recordatio , in qua sæpè magnis animorum sensibus & teneris affectibus versantur . Meditationibus asceticis P. Ignatij mentem excoluerunt attentione summa , miroque inde fructus reportarunt clarioris Dei notitię . frequentant sponte Sacramenta Confessionis & Communionis . & ad hoc nobiscum iter ingentibus desiderijs vrgentur adducendorum ad Christi Religionem Popularem suorum . Peruenimus huc, sex quos enumeraui, Malacam pridie Kalendas Iunias . Anni MDXLIX. Arcis Malacensis Præfectus excepit nos omnes

nes eximia caritate : prolixèque detulit quidquid à se optari studij & fauoris posset ad expediendum & promouendum hoc nostrum iter , quod magna spe Deo inferuendi & Maieitati Tuæ gratificandi suscepimus . mox verborum humanitatem officiorum sedulitate superauit . Ita enim elaborauit in quærenda nobis naue commoda , ceteraque opportunitate procuranda tutò ac facile pergendi quo tendimus , vt quæ quo primum die huc appulimus liberaliter & benignè multa promiserat , cumulatissimè repræsentaret . quidquid eius potestatis fuit , in eo promptè , beneuolè , vltro nobis offerendo nihil sibi ad summam Humanitatem reliqui fecit : quæ vero ambitu & gratia exoranda ab alijs fuere , in ijs eblandiendis omni studio , conatu omni efficiendis tantum elaborauit , tamque insigni teneræ in nos caritatis demonstratione nostra causa contendit , vt facilè sentiamus nos semper impares fore isti eius remunerandæ beneficentiæ ; qua maiorem efficaciorémque ne à Fratre quidem germano expectare poteramus . Per quo

Deum Dominum nostrum amore complecteris , oro obsecroque Te , Domine , vt quæ plurima hoc nomine Petro de Sylua debemus rependere vice nostra Maiestas Tua dignetur. Largè suppeditari iussit quidquid nobis opus fuit , non modo in viaticum nauigationis hinc in Iaponiam ; sed in sumptum etiam & victum commorationis illic longiusculæ , & ædificationem Sacelli vbi sacrum Missæ sacrificium offerre Deo possimus . quam propriè in rem largitus nobis est triginta modios piperis optimi electi ex omni copia quæ Malacæ fuit . Addidit multa speciosa & magni pretij munera , Regi Iaponiæ offerenda ; vt ijs ille delinitus faciliorem se admittendis nobis , & in Regno suo tolerandis præbeat . Hæc ita minutè narro Maiestati Tuæ quo intelligas quibus me beneficijs & honoribus afficiant Fideles tui subditi qui in Indijs sunt . Equidem , Domine , verè mihi dicturus videor , neminem vmquam in Indiam venisse , cui tantum vel honoris vel gratiæ tribuerent degentes illic Lusitani , quantum mihi detulerunt . Totum hoc debeo Maiestati Tuæ ,

cre-

crebrisque tuis illis & efficacibus commendationibus mei ad eos quos negotijs Regni tui Præfectos habes per Indicos Tractus . Quos inter quoniam D. Petrus de Sylva Præfectus Malacensis in me iuvando , colendo , ornando insigniter excelluit , ijsque me sibi beneficijs obstrinxit , quibus inopia & imbecillitas mea parem à me vniquam referri gratiam prohibent , peto vt me finas constituere in Liberalitate Tua supplementum egestatis meæ . Id consequar si dignabitur Maiestas Tua , & huic & alijs de me optimè meritis largiter in mei gratiam benefaciendo , ea cuncta repræsentare , quæ Ego ipsis cum debeam exolvere non possum . Deus Dominus noster per suam infinitam pietatem & misericordiam illuminet plenè ac penitus mentem Maiestatis Tuę ad clarè cognoscendum suam sanctissimam voluntatem ; addatque gratiam perfectè exequendi quæ ipsi placere noueris : sic prorsus vt fecisse gauderes in momento mortis tuę . quando siseris ante Dei Tribunal redditurus rationem omnium quæ per vniuersam vitam egisti . Vehementer etiam atque

etiam obsecro Te, Domine, ne pigeris  
iam nunc præparare in illud vltimum pe-  
riculum decretorij momenti quidquid ex-  
pediri modo ac præuerti potest. Mor-  
bus enim supremus & mortis ingruentis  
vicinia ita mentem Languentis in ango-  
rum dolorumque, qui plurimi acerbissi-  
mique tunc sæuiunt, præfenti sensu mi-  
feram defigit, vt illi nequaquam vacet  
alijs curis aut cogitationibus attendere, quam  
quas illa horribilis scena rerum animo se-  
se tum primùm obijciens tristissimas & inu-  
tiliter cruciantes incutit, quarum infor-  
mare speciem nemo potest qui non sit  
expertus. Malacæ die festo corporis Chri-  
sti Anno MDXLIX.

Mæstatis Tuæ seruus inutilis.

*Franciscus.*

## EPISTOLA XV.

D. PETRO DE SYLVÆ PRÆFECTO  
MALACENSI.

**I**N Iaponiam denique non venti magis propitij, Domine, quam tua nos beneficia, perduxerunt. quippe ad fortunandum istum cursum, secundum Dei Domini nostri beneuolam Prouidentiam, plurimum (quod gratè fatendum est) valuit tua in nos ad hoc procinctos iter humanissima liberalitas, qua non solum viaticum amplum, nauigium, ex præsentì copia optimum, cunctaque id genus quæ erant ex vsu amantissimè prouidisti, nodos interim omnes & moras negotij eminente semper autoritatis tuæ fauore amputans; sed ad gratiæ cumulum dona præterea multa pretiosaque adiecisti, quibus huius Terræ Principum necessariam nobis beneuolentiam pararemus. Cum his salui atque incolumes, Deo iuuante, xviii. Kal. Septembris fausto, & auspicato die; videlicet Assumptæ

in cælum Deiparę Sacro , appulimus Can-  
 goximam , Patriam Pauli Sanctę Fidei ; cu-  
 ius gratia à Præfecto Loci , & Aedile , vniuer-  
 soque Populo sanè amanter sumus excepti .  
 Pauli eiusdem fidi nostri comitis statim emi-  
 cuit Religionis haud fictę susceptę zelus .  
 Noctes diesque totas Parentibus , cognatis ,  
 Amicis , omnis ætatis , fortis ac generis pro-  
 ponere Christi Doctrinam ac suadere institit ,  
 tam efficaciter , vt iam quando hæc scribo ,  
 Matrem & vxorem , Cognatos cognatasque  
 ac consanguinitatem vniuersam vtriusque se-  
 xus , cæterorumque Amicorum ac veterum  
 Familiarium non exiguum numerum Chri-  
 stianos effecerit . Est hæc Terra , quantum  
 hætenus potui perspicere , ita nunc aptè ac  
 tempestiuè disposita ad excipiendos cælestis  
 doctrinę fatus , vt ex ea , si cultura non  
 desit , vberes iure optimo sperentur fru-  
 ctus animarum . Natio hæc est hominum in  
 quã vel plurimum supra perturbationes Ra-  
 tio valet . Nec quę peccant plurima contra  
 recti iudicij auctoritatem præscribunt ; errant  
 enim fere per ignorantiam , vt appareat emen-  
 datu-



datuos , si doceantur . Itaque imperium Rationi suum mali etiam mores quodammodo integrum relinquunt : dum non palam contra eius interdictum vsurpantur : sed precario & furtim , ac quasi citra præiudicium obrepunt . quare licentia obsequendi vitijs nequidquam reclamante Ratione , non adeo in hac gente vsu inualuit , ut vbi scienter inuerecunda passim malitia peccatur . Iremus iam nunc Meacum , vbi Iaponiæ Imperator & præcipui Gentis Principes degunt , si tempestiuitas ventorum ferret . Aiunt post quinque hinc menses statum expectari Etesiarum cōferentium exortum . Tunc si Deus dederit , illuc nauigabimus . quæ multa & miræ de illa Regia Iaponiæ Ciuitate celebrantur , ijs plenam adiungam fidem , si præsens perspexero . Sex & nonaginta millia Domuum in ea censi referunt . Duo Lusitani qui ibi fuerunt , quorum vnus adhuc in Iaponia versatur , aiunt sibi videri Meacum urbem Vlyssipone ampliorem . Aedes omnes è materia sunt , contignationibus & tabulatis more nostrate surgentibus exstructæ . Anno , si

Deus annuerit , sequenti ex præsentī de his  
experientia copiosis ad Te literis differam .  
Magna mihi spes ē Christi Iesu propitio fa-  
uore animum complet , fore ut magna Iapo-  
niæ pars , ob eam de qua dixi Rationis ad  
liquidum perspectæ in hac Gente auctoritatem,  
nostram sanctam Religionem amplectatur .  
Atque huius , qui tam verisimiliter expecta-  
tur , ingentis fructus bona pars liberalitati  
& Humanitati illi tuæ imputabitur , qua nos  
& voce atque opera coram , & scriptis quod  
fuit opus efficacibus mandatis , & donis ex  
tua copia speciosis conferendis , quibus Regis  
Iaponiæ gratiam eblandiamur , hoc nostrum  
consiliū Christi legis in hoc Regno pro-  
mulgandæ , ex infinitis & nostrę imbecillitati  
insuperabilibus difficultatibus explicasti : quæ  
res facit , ut cum Dei auxilio confidam ,  
per Te absolendum & in pleni successus pro-  
mouendum lucem quod Dominus Comes  
Almirantes Pater tuus olim inchoauerat . tan-  
tò maiori apud Deum tuo merito , quod il-  
le nauigationum ad Sinas & Iaponios vel in-  
stitutarum vel frequentatarum non alium fe-  
rè

rè quam quæstus temporarij Lusitano Regi fructum attulit : Tu longè felicior hac nostra tam beneuolè nauigatione iuuanda , æternam amplificationis Regni Christi & propagationis diuinæ gloriæ vtilitatem procurasti . Hoc scribo vt intelligas quam obstrictus Deo sis qui Te ad rem tantam elegerit ; & istud tam laudabile nostræ Sanctę Religionis per has Oras dilatandæ propositum menti penitus tuæ infuerit . Nec deerit , mihi crede , quin primùm quærenti Dei Regnum humanæ accumulentur opportunitates . Regi enim quoque , nisi fallor , & Regno , quorum rationes summa fide ac diligentia procuras , vberes prouentus nostra hæc Iaponiensis Expeditio promittit . Sacaium est ciuitas maritima , princeps Emporium Iaponiæ , itinere bidui Meaco distans . In ea vrbe , Deo iuuante , facile impetratu erit , vt detur ius Domicilij Procuratoribus Regis Lusitanix , facultasque ædificandi apothecas vbi merces indicas europæalque custodiant , donec eas per otium commutent cum pretiosissimis quibusque Iaponicæ terræ metallis , artificijs & fructibus , argento

gento præsertim atque auro, quæ ex omnibus ferme hisce Insulis in hunc ditissimum illorum Tractuum portum maxima copia venum importantur. Id quò facilius commercium vtrunque quæstuosum ineatur, suadere conabor Regi Iaponiæ vt legatum in Indiam mittat, qui spectata illic abundantia rerum ad vitæ vsum opportunissimarum, quibus caret Iaponia, desiderium earum suis rediens moueat: & sic eos prouiores ad mutui mercatus conditiones admittendas reddat. Vnde fiat vt non ægrè inter Indiæ proregem & Regem Iaponiæ conueniat tum de cæteris legibus Commercij, tum propriè de Portorio ac scriptura Lusitanici Fisci Sacaij, vti dictum est, constituendis. Multum confido in Domino Iesu fore vt ante duos annos scribam. Tibi, habere nos Meaci Templum Deo dicatum in honorem sanctissimæ Deiparæ Dominiæ nostræ; vt qui deinceps in has Insulas nauigabunt, in horribilibus illis Sinici archipelagi procellis inuocare possint Diuam Virginem Meacensem. Quod si tamen mihi fidei tribueres, vt sumere me sineres Officium

Pro-

Procuratoris in his locis tui , spondere ausim effecturum me , vt quaecumque rei ac pecuniæ tuæ partem mihi commendatam hoc nomine volueris , eam Tibi plusquam centuplicato scenore auctam repræsentem ; idque lucro à periculis itinerum & naufragiorum planè securo ; certæ mercaturæ felicitate quali nullus ante Te Præfectus Malacæ innocentius vberiusque lucrum fecerit . Scire aues quod hoc genus sit compendiosissimæ nundinationis ? missis ambagibus dicam . Induc fodes in animum largiri nobis quod diuidamus egentibus harum terrarum Christianis , qui modo sunt , & qui mox fient . Huius sic collocatæ fortis , præsto , fideiussore Christo , plus quam centuplum in cælo Tibi reddendum , non obnoxium ventorum aut fluctuum incerto , neque armis insidijsve Piratarum . Hæc scribens verebar vt satis parato in præsens esses animo ad istam iacendam sperandæ in cælo commutationis aleam . quæ nihil tamen est securius . Scio Vos Præfectos Malacenses excelsis animis , quamquam satis alioqui expectetis ad lucrum ,  
hanc

hanc tamen certissimam artem vtilissimi compendij plerumque negligere solere . Latro nauarchus noster hic Cangoximæ diem obiit. Inscruiuit nobis ex animi ferè nostri sententia nauigatione tota ; nec nos tamen ei reddere vicem in portu atque in morte potuimus . Ipsi enim mori libuit in superstitione sua : neque illud saltem nobis reliquum fecit quo alijs Amicis in Christiana professione defunctis referre post mortem gratiam possumus , commendando eorum animas Deo ; quando miser suam animam in Infernum proiecit , vbi nulla est redemptio : Multi hinc Iapones ad vos nauigant , ad id consilium impulsī sermonibus Pauli nostri mira de Lusitanorum Virtutibus narrantis . Oro & obsecro Te per quantum Deo debes & Tuæ nobilitati , excipe illos honorificè ac liberaliter , & da operam vt apud Lusitanos copiosos & honestos , à Te iussos omnem illis humanitatem exhibere , splendide commodeque diuersentur . Magno id illis ( mihi crede ) inuitamento erit ad Christi Religionem amplectendam , si vera de Lusitanis retulisse Paulum



lum experimento ipsi proprio compererint. Dominicus Diazus cui has committo Tibi reddendas literas, amicus meus summus est, nec minus mihi carus quam ipse me diligit. Humanitas enim eius & in nos benignitas per assiduam consuetudinem longæ navigationis continuis officijs perspecta mihi est. Singulari me beneficio affeceris si homini de me optimè merito, quam deberi à me profiteor, nec exoluere possum, Tu gratiam rependeris. Deus Dominus noster dies vitæ tuæ in multos propaget annos, Teque saluum & florentem, vt Tu & Domina vxor Tua optatis, in Lusitaniam reducat. Vale. Cangoxima Nonis Nouembris An. MDXLIX.

Tuus in Christo

*Franciscus.*



## EPISTOLA XVI.

P. P. GASPARI BARZEO, BAL-  
THASARI GAGO ET IACOBO  
CARVALLIO. GOAM.

Gratia & amor Christi Domini nostri adsit semper nobis auxilio & favore. Amen.

**C**um in his Iaponiæ Regnis præsens animaduertam dispositionem optimam ad insignem profectum nostræ sanctæ fidei; & aliunde memoria repetam inflammata desideria quibus dudum estuatis diuinæ promouendæ gloriæ, adiuuandis Proximis in suarum inuenienda salute animarum; in eam fiduciam ingressus sum ut sperarem, pro eaque vestri habeo notitia, non defuturam vobis, Deo Domino nostro iuuante, virtutem atque Humilitatem interiorem, quarum ope ac præsidio possitis efficere quod cupitis, & antiquorum aliquando fieri compotes votorum. Mando itaque vobis in

vir-

virtute Sanctę Obedientię , ad vestrum maius meritum , vt , nisi quemquam vestrum valetudo impediat , Vos , Magister Gaspar , Balthasar Gage , & Iacobe Carualli veniatis in Iaponiam , vbi ego sum , mox iturus Deo iuvante Meacum ; vbi , vt spero , me reperietis . Vos vero Balthasar Gage & Iacobe Carualli , toto itinere obedietis Magistro Gaspari , de cuius Prudentia & Humilitate confido , functurum illum tali Pręfectura , qua par est attentione ac diligentia . Quia certissimum habeo , vos , statim vt hęc videritis , nullam moram huc proficiscendi facturos , sic suadente perspectissima mihi vestra omnium religione , ac perfectione mentis , ad obediendum vel cum mortis periculo paratissimę , amore illius qui prior factus est pro nobis obediens vsque ad mortem , nihil iam dictis addam , quod ad vos & iter hoc vestrum attinet , sperans vos , Deo deducente , saluos hic mihi atque incolumes breviter sistendos . Scribebat hęc manu propria Vester ac Vestri amantissimus in Christo frater , Canoxime nonis Nou. Anno MDXLIX. *Franciscus.*  
Sc-

Sequentis Epistolæ inscriptio exterior in autographo archetypo Romæ seruato sic ad verbum habet : *Amen Christo Santo Padre Ignatio*, vnde nos eius titulum qui sequitur, expressimus.

## EPISTOLA XVII.

MEO IN CHRISTO SANCTO PATRI  
IGNATIO. ROMAM.

Gratia & amor Christi Domini nostri adsit semper nobis auxilio & fauore, Amen.

**V**erissime Pater mi, accepi modo Malacæ, huc appellens è Iaponia Literas Tuæ Sanctæ caritatis. quæ quoniam de vita ac valetudine tam cari ac venerabilis mihi capitis quod optabam docuerunt, scit Deus Dominus noster quanta meum animum voluptate compleuerint. Multas equidem in ijs iucundè legi suauitatem spirantes tuam  
pie-

pietatemque sententias ; quas & identidem ,  
fructu animi mei præcipuo , retracto mente  
versans , & quodammodo regusto ; præsertim  
autem illa extrema verba , quibus velut ca-  
ritatis quodam sigillo Epistolam obsignasti .

*Totus tuus , adeo ut nullo umquam tempore obli-  
visci tui possim . Ignatius .* quæ ego ut illic cum  
dulcissimis lacrymis legi , ita & flens hic  
describo , reuocans suauissimam memoriam  
temporis elapsi , & illius sinceri ac sancti  
amoris , quo me semper amplexus , nunc  
quoque prosequeris ; prætereaque reputans ,  
me ex tot illis atque ingentibus laboribus  
periculisque Iaponiæ , à Deo , tuis potissi-  
mum precibus inflexo , votisque in me pa-  
ternis obsecundante , fuisse liberatum .

Numquam exprimere scribendo possem  
quantum debeam Iaponibus : quandoqui-  
dem in eorum gratiam Dominus noster cla-  
ra me notitia intimè imbuit innumerabi-  
lium culparum mearum . Nam hætenus  
euagans extra me , quamdam velut abyssum  
malorum in mea conscientia penitus condi-  
tam non perspexeram : quoad in illis ærumnis

& angoribus Iaponiæ, apertis aliquando mentis oculis, dedit mihi Bonus Dominus manifestè cernere, ac quasi præsentis experientia sensu tangere, quam valde necessarium mihi sit existere aliquem qui perattentam perque sedulam mei curam gerat. Videat igitur quid agat tua Sancta caritas, dum tam Sanctas animas Patrum ac Fratrum Societatis qui in his degunt regionibus, gubernationi meæ subijcis: mihi vero per solam Dei misericordiam modo euidenter innotuit; tam male me paratum rebus ad istam Præfecturam benè fugendam necessarijs, vt sperare potius debuerim commendari me à Te curæ ac providentiæ Fratrum meorum, quam ipsos mihi committi regendos. Adiungit deinde tua sancta caritas, ingenti desiderio teneri Te videndi me adhuc semel ante finem huius vitæ. Nouit qui mei pectoris intima peruidet Dominus noster, quam vehementem, quamque dulcem impressionem teneri affectus animo penitus meo insinuauerit hæc ita blanda significatio præstantis amoris erga me tui. Equidem quoties tua illa verba,

men-

mente reputo ( reputo autem sapissimè )  
iniussæ mihi lacrymæ oculos complent : nec  
possunt teneri quin suauiter erumpant ad so-  
lam illam mihi iucundissimam speciem quæ  
obuersatur cogitanti , fieri posse vt te iterum  
amplectar : quod etsi video difficillimum ;  
tamen nihil est quod Sancta obedientia effi-  
cere nequeat . Per studium quo ardenti fla-  
gras obsequendi ac gratificandi Deo Domi-  
no nostro , vnâ à Te peto gratiam , quam,  
si præsens adesset , positis humi ante tuos  
sanctos pedes genibus supplex rogarem ;  
ea autem est , vt huc mittas virum aliquem  
tuæ sanctæ caritati penitus perspectum &  
plane probatum , Rectorem præficiendum  
Collegio Goano . nam hominem quem Tu  
elegeris , quemque manu , vt sic dicam ,  
ista tua idoneum formaueris , vehementer  
eget id Collegium . Cur omnino pariter  
necessarium destinari huc à Te viros præstan-  
tes & supra vulgarem modum virtute ac  
doctrina præditos , ad Academiâs Iaponiæ mît-  
tendos , hæc causa est . quoniam qui sunt  
illic expertes literarum , sed alioqui pruden-

tes homines ; cum de suis erroribus conuincuntur , eò se recipiunt , vt dicant : esse in sua quoque Gente doctorum Virorum copiam, qui totam vitam exquisitis commentationibus & infinita lectione transegerunt . Eos , quoniam quæ nos affirmamus , pernegant , prius esse reuincendos adiungendosque nobis ; vt sic rectè possint , qui eorum auctoritate nituntur , & ipsi accedere . En cur Literis ac doctrina opus sit . Constantia vero ac patientia insignis virtutumque cunctarum cumulus , plane requiritur in ijs qui tantis sedimicationibus obiecturi sunt . Venient siquidem pauci & inopes Aduenæ contra nomen vniuersum ac famam gloriosæ , ac multa sui rerumque suarum admiratione subnixæ nationis , quæ tota in ditione Bonziorum est , primas illic dignitatis existimationisque tenentium . quod qui audeant , palam est multa passuros , vbi eos vndique quos irritauerint Crabrones incesserint ; neque laturos impune , simul ; quod primum & necessariò faciendum , Bonziorum Sophismata dissoluerint , mendacia redarguerint , fordes & ar-

canas



canas artes , quibus Plebem credulam pecunia emungunt, in lucem protrahere publicam ceperint . Equidem ex ijs quæ sum expertus illic præsens, videre iam hinc videor , vāsani Sacrificuli quam impotenter erupturi sint, cum aderit coram , qui negare in os ipsis sustineat : posse illos , quod gloriantur , arcanis sacris , eruere flammis , addictas iam Orco animas : cuius ridiculæ iactantiæ , si palam falsitas coarguatur , quæstus eorum pars maxima perierit . cum vero Sodomitica flagitia ; quam illi abominandam obscœnitatem in ludi ac propè laudis parte numerant , meritis obiurgationum aculeis configentur , nempe istos velut compunctos stimulo in suis lutulentis lacunis immanes ap-  
pro,ruituros impetu vāsano ad eos dirumpendos , qui Margaritas ante ipsos proiecerint , est consentaneum : Quare , vt dixi , horum hisque similium promulgatores illic dogmatum , deesse non poterit , quin acriter oppugnentur , direque vexentur , vt animæ ipsis, suæ, iuxta euangelicum verbum, in sua sibi duntaxat possidendæ patientia sint : qua

propterea egregiè instructos , firmiterque præ-  
 munitos esse oportet , qui ad ea discrimina  
 se obijcient . Scribo itaque ad P. Simonem ,  
 aut eo absente ad Rectorem Collegij Conim-  
 bricensis , ne ullos huc ad Iaponicas Aca-  
 demias ituros mittat , quos tua Sancta Ca-  
 ritas non viderit , planeque perspectos pro-  
 bauerit . Iterum atque iterum dico ; ma-  
 ioribus quàm vulgo creditur certaminibus &  
 ærumnis exercebuntur . Adibuntur importu-  
 nissimè : nullam diei , nec interdum noctis  
 horam à molestissimis interpellatoribus va-  
 cuam habebunt : interrogationibus alijs su-  
 per alias sine fine urgebuntur : vocabuntur  
 à principibus viris , quibus negare nefas sit .  
 Subtrahetur per hæc quotidianis orationibus ,  
 meditationibus , receptui mentis ad Deum , &  
 Spiritualibus id genus exercitijs tempus .  
 non vacabit missam celebrare . Saltem pri-  
 mis , quibus ibi conspici cœperint diebus ,  
 præ turba Sciscitantium , quos repellere non  
 expedit , vix persoluendi pensi Ecclesiastica-  
 rum precum , vix cibi somnique capiendi  
 spatium erit . Nationis id vitium eius est ,  
 nul-

nulla verecundia negotium facessere, hospitibus præsertim & peregrè appulsis, qualibus ferè contemptim utuntur, & proteruè illudunt; etiam innoxijs, & nulla re molestis: quod si iam iidem, quæ Iaponijs sunt sanctissima, insectari & incomitari audeant; si in Sectas superstitionum inuehantur; si vitia publica sale satyrico non parcè defricent, virgula censoria non perfunctoriè feriant: simul præfractè negauerint eos, qui semel infernis addicti sint ignibus, ex ijs villo posse piaculo, vlla viuientium amicorum aut parentum largitione aut religione liberari; magnam statim procellam inuidiæ subeant necesse est, indignaturo passim optimo quoque in eos, qui de Carorum ipsis iam defunctorum animabus tam durè sentiant; plerisque nouam Religionem velut infirmam imperfectamque contempturis, quod ultro fateatur: nihil se remedij semel damnatis habere quod afferat. Taliùm curæ rerum & huius generis ibi quæstiones agitantur, idcirco quod in illius gentis literis & traditionibus antiquis multa Inferni mentio est: Pur-

gatorij admodum nulla . Hæc cum ita sint , res ipsa loquitur , opus illic esse robustis ingenijs , exercitatis in dialectica , populari facundia disertis , agilibus ad quocumque sequendum & præuertendum errantes . qui plausibiliter valeant fucatis veri specie mendacijs laruam detrahare , retexendis Sophisticis argumentationibus & falsorum dogmatum inconstantia , ac secum collisione demonstranda . Erubescunt enim & incredibiliter confunduntur isti Bonzij , vbi malè cohære ac pugnare inter se se ea quæ docent , palam ostenditur , aut quando ita constringuntur ratiocinatione necessaria , vt expedire se nequeant . Ad has dotes animorum accedat oportet robur corporum par ferendis algoribus rigidissimarum hyemum . Nam Bandus , Academiæ Japoniarum primaria , in partibus earum Insularum maximè septentrionalibus sita est . nec multum inde absunt academiæ cæteræ , compertumque illic est , solertia ingenioque fere præstare , qui sub cælo frigidiori nascuntur . Victum quod attinet , vnica ferè oryza annonam conficit ,

ctfi

etsi reperitur & aliquantum tritici, nonnullaque olera, legumina, cibique eius generis, tenuis omnes, nec valde salubris, succi. vinum aliud non habent, quam quod ex oryza exprimunt arte quadam, perrarum, & idcirco supra modum earum. Maximum tamen incommodorum est anxietas continua, in periculis vitæ quotidianis. Non sunt apti ad huius terræ culturam senes, utique quibus deessent vires ad necessarios labores; nec adolescentes, nisi si quibus defectum ætatis, virtutum magnitudo manifestis experimentis perspectarum, suppleret: alioqui potius quam alijs profint, se ipsos perdent. Peccatorum omnis generis irritamenta illic & occasiones sunt. Præterea teneriores ibi quam vsquam animi hominum facillimè offenduntur quavis specie minus recti exempli, in ijs extante qui se aliorum Censores ferunt. Hæc ita minutim, ut dixi, scribo Magistro Simoni, aut eius vice Rectori Conimbricensi. Gratissimum mihi esset si tua Sancta Caritas scribere Conimbricam dignaretur, ut quos destinarent in Iaponiam, prius ad

ad te Romam mitterent . Veniebat mihi in mentem : aptos ad eam expeditionem videri fore Belgas , aut Germanos , qui Castellanam aut Lusitanam linguas nossent . Vtrumque id genus tolerans laborum est , tum naturali habitu & educationis vsu duratum ad patientiam Bandensium frigorum . Verisimile putabam non paucos ex hisce nationibus duabus in varijs Hispaniæ Collegijs , & Italiæ viuere , in quibus forte multum vtilis non sint : quod natiua elegantia popularis lingue careant ; qui si transferrentur in laponiam , excellenter ibi operam nauarent , & magnis se fructibus commendarent . Putaui præterea suggerendum Sanctæ Caritati tuæ , vt , si tibi videretur , iuberes haberi seueriorem delectum eorum , qui ex Collegijs Hispaniæ , & Lusitanæ mittuntur in Indiam , ibi victuri , Præstaret duos tantum anno quolibet huc soluere , dum tales essent , quales hæ regiones requirunt , primùm satis prouectos in perfectione spirituali ; postea & doctrina , & facundia præditos quanta opus est ad concionandum , & confessiones audiendas . Et  
hos



hos cuperem tuo iussu peregrinari Romam ;  
antequam ad nos nauigent : Nam & istæ  
itinerum probationes ad eos formandos con-  
ferunt : quid possint ipsis ostendunt ; ad la-  
bores durant ; aduersus pericula futura præte-  
ritorum innoxie aditorum recordatione con-  
firmant . Denique sic consequemur , vt hic  
in concursationum Apostolicarum sudoribus  
noui non sint : quales deprehenduntur qui  
sedentes huc naue delati è patria , vnde nun-  
quam exierunt ; campestrium laborum , &  
pedestrium peregrinationum vsum nullum  
habent . Sane tot hic illecebræ ad mollitiem  
tanta tamque pellacia , non modo ad cessatio-  
nem , atque desidiam , sed etiam ad nequi-  
tiam inuitamenta sunt , vt eorum virtus qui  
hiscæ animarum periculis obijciendi sunt , ex-  
quisitis prius experimentis probanda videa-  
tur ; ne si qui minus idonei obrepserint , pro-  
sperata nobis consolatione ipsorum aduentus  
& conuictus , negotium potius molestissi-  
mum facessant , ea committentes , ob quæ  
ipso è Societate amandare sit necesse . De  
his videat quæso tua Sancta Caritas , an è



re ut Magistrum Simonem per Te admone-  
 ri . Neque qui è Societate nunc sunt Aman-  
 gucij , neque qui , cum hic iam versentur in  
 Indijs , anno proximo , vel alijs consequenti-  
 bus , si Deus volet , in Iaponiam ituri sunt ,  
 idonei mihi videntur , qui mittantur ad il-  
 las Academias . Verum hi vacabunt inte-  
 rim addiscendæ linguæ , cognoscendisque  
 Dogmatibus Sectarum , ut cum venerint ex  
 Europa , quos expectamus è sinu tuo Pa-  
 tres , Domesticis ipsis & fidis uti possint in-  
 terpretibus in concertationibus aduersus Bon-  
 zios . Verisimilis mihi spes est profecturam  
 plurimum , & largè amplificandam Aman-  
 gucianam Ecclesiam . Sunt enim iam ibi  
 Christiani multi , & inter illos non pauci  
 valde boni ; ac noui quotidie plurimi ca-  
 techizantur , & baptizantur . Viuo in spe  
 magna , fore ut Deus Dominus noster no-  
 bis seruet P. Cosmum Turrianum , & Ioan-  
 nem Fernandez , nec sinat ab Idololatræ in-  
 terfici , primùm quia prima , & præsentissi-  
 ma periculorum iam videntur euasisse , furijs  
 illis Bonziorum prima offensione inflamma-  
 tis

tis, mora dehinc mitigatis, & sensim confescentibus. Deinde quia multi, ut dixi ibi Christiani sunt, & inter eos non pauci dignitate, & auctoritate præstantes, qui magno studio inuigilant diu, noctuque conseruationi Nostrorum. Ioannes Fernandez, etsi nihil nisi Laicus est; tamen, quod expedite utitur lingua Iaponica, & quidquid illi suggerit P. Cosmus Turrianus aptè, ac diserte in eam transfert, utilissimus est illic. Nunc totus est in explicandis, quotidiana ad populum dictione, omnibus mysterijs vitæ Christi. Quoniam eam perspexi in Iaponibus indolem, ut & Religionem Christianam satis ipsis ostensam facile probaturi, & semel susceptam tuituri constanter, atque in posteros perpetuaturi videantur, in eorum cultura quantosuis labores benè collocatos puto. Quo in sensu reficit, ac consolatur me spes quam in tua Sancta Caritate repositam habeo, confidere me iubens mittendos huc à Te Sanctos aliquos Patres, quos rectè Iaponicarum superstitionum magistris possimus opponere. Id faciendi præcipua tibi causa sit

excellentia quædam Nationis Iaponicæ mihi  
 perspecta supra cæteras hactenus in hisce Tra-  
 ctibus detectas . In quarum nulla , quæ  
 quidem suis legibus vivat , & Regi Lusita-  
 niæ non sit subdita , satis verisimiliter vide-  
 tur sperari posse Christi Religionem perenni  
 firmitate radicandam . Vna ex omnibus , & so-  
 la , quantum sapio , Iaponia videtur inconcus-  
 sam , æternamque servatura Christianæ San-  
 ctitatis professionem , si eam semel arripue-  
 rit : quod utique non sine ingentibus Evan-  
 gelicorum Præconum ærumnis , ac conten-  
 tionibus euenturum est . Sina , quæ Regio  
 est patens latissimè , pacatissima , temperata  
 magno numero exquisitarum legum , vni  
 paret Monarchæ ; cui ad nutum obeditur .  
 Opulentissimum est regnum , cunctis ad vi-  
 tam humanam necessarijs abundans . Fretum  
 modico dirimitur à Iaponia . Gens pollet  
 ingenio , & studijs insudat , legum præfer-  
 tim , & Iurisprudentiæ humanæ , Politicæque  
 rationis , cuius exquisitè pernoscendæ ingenti  
 plerique cupiditate flagrant . Vultus illis  
 candidi , imberbes , oculi parvi . Liberalis  
 ple-

plerisque indoles , pace in primis gaudent ,  
quæ fundatissima sine vllō belli metu inter  
iplos viget . Nisi quid noui obstaculi super-  
uenerit quod iter destinatum interuertat , spe-  
ro me hoc anno , secundo & quinquagesi-  
mo supra sesquimillesimum , nauigaturum  
ad Sinas , quo me vocat spes operæ ad in-  
gens Dei obsequium nauandæ , in magnam  
utilitatem cum Sinicæ gentis , tum Iaponi-  
cæ . Nam simul innotuerit Iaponibus , Si-  
nas Christi legem fuisse amplexos , verifi-  
mile est multum illos remissuros de pertina-  
cia , qua prauis suis sectis adhærent . Adeo-  
que magna me spes tenet , tam Sinas , quam  
Iaponios opera Societatis à suis idololatricis  
superstitionibus abductos , adoraturos Chri-  
stum Iesum omnium gentium Saluatorem .  
Obiter quiddam referam quod in vsu mu-  
tuo istarum gentium singulare ; ac mirum  
obseruatur . Sinica , & Iaponica diuersæ lin-  
guæ sunt ; adeo vt qui ijs vtuntur inuicem  
non intelligant : quod tamen Sina scripse-  
rit , legit , & percipit literatus Iapon ; sed  
cum sono scriptum exprimit , ne ab ipso  
qui-

quidem scriptore, si præsens adsit, quid dicat cognoscitur. Nempe literæ Sinicæ non vocis humanæ sonos varios, ut nostri literarum characteres, sed res protinus ipsas exprimunt, ideoque sunt innumerabiles? Discunt autem, qui doctrinæ nomen affectant Iapones, literarum istarum potestatem; hoc est, non quod verbum aut vocabulum indicent; sed quam rem designent. Subleuando autem Elementariorum, & Magistrorum labori hoc excogitarunt compendium. Proponunt in tabula literas Sinicas, cuique imponendo pictam effigiem ipsius rei, quam significat. Exempli gratia qui character homini designando institutus est, ei forma expressa hominis incumbit. Sic in cæteris. Inde fit ut admoniti conspectu signi Iapones lectores, easdem quidem res cogitationi subiiciant, quas Sina scriptor in mente habuit; sed dum voce quod legunt efferunt, vocabula Iaponica res illas denotantia pronuncient, quæ Sinæ audientes, quid sibi velint prorsus nesciunt: uti nec vicissim si coram Iapone Sina eandem scripturam voce adhibita, legens exprimat,

Iapon

Iapon, haud intelliget quid verba sonent. Scripsimus lingua Iaponica librum explicantem Origines Mundi, & cuncta vitæ Christi mysteria. Eundemque deinde librum Sinicis characteribus descripsimus, quod exemplar cogitamus ferre nobiscum euntes ad Sinas; ut interim dum linguæ notitiam paramus, specimen possimus dare Sinis scripto ipsis noto expressum eorum quæ afferimus. Oro, atque obsecro Sanctam Caritatem tuam, per quo Deum amore prosequeris, quoque eius obsequij studio flagras, fac tam ipse Tu, quam vniuersa Societas, quotidianis me vestris Sacrificijs, & precibus Deo impensè commenderis. Peto inquam, & rogo interprete, ac conciliatrice Sancta Caritate tua, Patrum omnium, præsertim Professorum, procurari mihi suffragia, & efficaces intercessionem ad communem Dominum, quæ iunctæ cum totius militantis Ecclesiæ, meritis cumque precibus omnium Beatorum, qui dum viuerent de Societate fuerunt, & cum vniuersæ triumphantis Ecclesiæ conspirantibus in idem vo-

tis non impetrent limini à Deo. Domino non  
 sit gratiam intelligendis clarè in hac vita  
 quid sanctissima eius voluntas à me optet,  
 simulque auxilium, ut ac vires integros ac per-  
 fectos, quidquid innotet aut coniunget, exequen-  
 di. Cocino. xv. Kal. Februar. Anno MDLll.

Minimus filius, idemque in exilio maximus.

*Franciscus*

## EPISTOLA XVIII.

P. SIMONI RODERICO SOC. IESV.

IN LVSITANIAM.

Gratia & Amor Christi Domini nostri adsit  
 semper nobis auxilio & fauore Amen.

**S**cripturus mox quod te fusius de rebus So-  
 cietatis in his terris nostrae, hanc segre-  
 gatam, & peculiarem paucis absoluam  
 epistolam, cuius argumentum idem, & Ta-  
 bellarius, Andreas Casuallius erit. Hunc ego  
 per bonum Iuvenem valetudinis gratia re-  
 mittendum ad vos censeo. Hic enim ægre



vitam trahebat, & quâ aetate, atque indo-  
 le est, Medici sperabant Patrij tui haustu  
 reparari vires eius morbo prostratas, & in  
 integrum posse restitui. De illo hoc peregrin  
 rediens, concordî omnium qui hic sunt testi  
 monio, comperiebam, nulli cum nostrorum  
 his in locis degentium dotibus naturæ ac do-  
 nis gratiâ cedere, summamque in eius iu-  
 uentute spem passim maiores naturæ collocant  
 ob virtutes quas in eo posuit Deus. Domi-  
 nus noster, quasque per suam misericor-  
 diam augebit. Equidem ita esse ego quo-  
 que arbitror ut dicunt, & libenter huius spei  
 Te gaudio impertio, optans tecum, & videnti  
 que ut crescat in mille millia hic frater no-  
 ster, & Societatem expectato fructu cumu-  
 let. Oro Te per Dei Domini nostri amo-  
 rem, atque obsequium, Carissime mi Frater  
 Simon, ut Andream Caruallium ea istic  
 charitate excipias, quâ & ego & ipse sperauimus  
 excipiendum eum, & recreandum à Te. Quid in  
 hisce Partibus noui contigerit, copiosè, ac mi-  
 nutè perscribam ad vos Deo iuuante, ante-  
 quam soluam Cocinum versus, quod futurum

puto circiter quintumdecimum ab hinc diem.  
 Deus Dominus Noster nos in Paradisi gloria  
 coniungat; nam quando in hac vita  
 congregari coram, & amplexari mutuò possi-  
 mus, equidem non video. Illud pro certo  
 habeo, dulcissime Fr. Simon, insculptam animo  
 penitus meo me quocumque circumferre ima-  
 ginem tui, cuius obiectu Te in spiritu con-  
 tinuè cerno. Iamque illud, quo diu prope im-  
 patienter exarsi, te præsentem oculis corpo-  
 ris spectandi desiderium fero leuius, illo me  
 assiduè interiori desiderati Capitis aspectu con-  
 solante. Vale. scribebam Goæ vi. Kal. Apri-  
 lis Anno MDLII.

Tuus in Christo

Franciscus.

Finis Epist. Nouarum S. Fr. Xau.

LAUS DEO.

INDEX  
EPISTOLARVM  
NOVARVM  
S. FRANCISCI  
XAVIERII.

S. Ignatio.

XI  
II

p. 11.

Eidem.

V  
III.

p. 15.

Eidem.

IV  
IV.

p. 28.

Doctori Martino Azpilcuete Nauarro. p. 32.  
S. Ig-

# INDEX

S. Ignatio & Petro Cadacio . p. 36.

## VI.

Ioanni III. Regi Lusitaniæ . p. 40.

## VII.

M. Simoni Roderico Soc. Iesu . p. 50.

## VIII.

PP. Paulo Camerti , Ioanni Beiræ , Antonio  
Criminali & cæteris Socijs Goanis : p. 58.

## IX.

Ioanni III. Regi Lusitaniæ . p. 63.

## X.

P. Simoni Roderico Soc. Iesu . p. 78.

## XI.

Eidem . p. 81.